



10478

天津特別市  
市立第二圖書館  
10478



天津特別市市立第二圖書館 28-11,1.0000

明季北  
略

南略嗣出



都城琉璃廠半

松居士排字本



自序

自古有一代之治。則必有一代之亂。有一代之興。則必有一代之亡。治亂興亡之故。雖曰人事。豈非天命哉。獨怪世之載筆者。每詳於言治。而略於言亂。喜乎言興。而諱乎言亡。如應運宏猷。新王令典。則鋪張揚厲。累楮盈篇。至勝朝軼事。亡國遺聞。則削焉不錄。若曰。當蘇若時。儀何敢言云耳。愚謂天下可亂可亡。而當時行事。必不可泯。况我

世祖章皇帝嘗過莊烈帝之陵而垂泣。爲親製誄文以哀

明季北略

自序

之卽

今上登極。亦諭官民之家。有開載啟禎事跡之書。俱着送來。雖有忌諱之語。亦不加罪。是天子且著書與求書矣。草野之士。亦何嫌何忌。使數十季來治亂興亡之事。一筆勾却也哉。予也不揣。漫編一集。上自神宗丙辰。下迄思宗甲申。凡三十年。分二十四卷。題曰北略。以誌北都時事之大略焉耳。然於國家之興廢。賢好之用舍。用兵之始末。徵餉之絀盈。槩可見矣。世之覽之者。拱壁唯命。覆瓿亦惟命云。謹序

康熙十年辛亥季冬八日乙酉無錫計六奇題於社  
峰王氏之書齋

明季北略

自序



一

明季北略

錫山計六奇用賓編輯

卷一

萬曆四十四年丙辰始至四十八年庚申止

大清朝建元

蕭子玉偽稱都督

撫順城陷

清河城陷

劉杜二將軍敗績

楊鎬逮治

熊廷弼經略遼陽

紀異

光宗貞皇帝

附前樞擊青宮一案

紅丸一案

明季北略

目錄

嘉宗登極

顧慥論遼事

河清

楊嗣昌奏歲饑

熊廷弼回籍

卷二

天啟元年辛酉始至七年丁卯止

瀋陽陷

遼陽陷

附記遼事

袁應泰傳

張銓殉節

何廷樾投井

崔儒秀自縊

廣寧潰

高邦佐自縊

羅一貴自刎

五監軍

附記經撫

熊廷弼傳

毛文龍入皮島

袁崇煥守寧遠

毛文龍安州之戰

趙率教守錦州

魏忠賢濁亂朝政

點將錄

天鑒錄

選佛錄

魏黨

羣小謀陷正人

羣小封爵

建生祠

稱功頌德

楊漣慘禍

移宮一案

明季北略

目錄

周順昌被逮

附魏大中

羅織十七君子

左光斗

高攀龍

李應昇

繆昌期

周宗建

友除善類疏

客魏毒害諸妃

魏忠賢怒張后

異人歌

辛酉七年紀異

丙寅五月初六紀異

傅國璽出

大清朝改元

卷三

天啟七年丁卯八月始

信王登極

客氏出宮

陸萬齡下獄

崔呈秀回籍

錢元愨叅魏忠賢

錢嘉微叅魏忠賢十大罪

魏忠賢謫鳳陽

魏忠賢自縊

張瑞圖回籍

誅崔呈秀

姚士慎叅田許

掠死客氏

聞香心動

贈諡諸臣

廷推六相

卷四 崇禎元年戊辰

明季北略

目錄

三

思宗烈皇帝

倪元璐論東林

韓一良論賄賂

劉宗周論近功小利

溫體仁叅錢謙益

袁崇煥陞見

毛文龍鳴綠江之捷

大清兵屯錦州塞

大清收諸部落

寧遠軍譁

錦州軍譁

流賊初起

漢南盜起

白水盜王二

誌異

浙江水災

五虎五彪

補

卷五 崇禎二年己巳

劉懋請裁驛遞

毛羽健論衛營兵

張延登請申海禁

南居益請發軍餉

無錫灾荒疏略

馬懋才備陳大饑

桂王寢殿坍塌

倪元璐論三案

欽定逆案

喬應申釀禍

劉應遇敗賊

混天王擾延川等縣

吳煥奏秦寇

李自成起

陳仁錫使遼東

袁崇煥殺毛文龍

明季北略

目錄

四

鍾萬里解夢

袁崇煥通敵射滿桂

逮袁崇煥

滿桂戰死

劉之綸死節

黨還醇殉難 附諸臣

商敬石

左應選固守昌黎

何大綱斬將

誌異

卷六 崇禎三年庚午

誌異

陝盜王子順苗美

賊陷河曲

賊陷黃甫川

楊鶴誤撫

劉懋言秦寇

劇賊神一元

徐孝婦剖肝進姑

卷七 崇禎四年辛未

黃道周疏

吳執御論周延儒

張彝憲總理錢糧

吳姓賑撫

楊鶴受降

賊分三十六營

洪承疇巡撫延綏

山西寶莊

洪承疇擒趙四兒

吳姓奏官賊之謠

趙大允斬婦人首

譚雄陷安塞

混天猴陷甘泉

張獻忠起

明季北略

目錄

五

太清兵

張真人請雪

卷八

崇禎五年壬申

元旦異雪

賊流秦晉

洪曹破賊

西澳之捷

馬鳴世論三秦

高迎祥諸賊

高宏圖削籍

周鑑論用內臣

皇子生

孔有德陷登州

賊首名號

百官

誌異

卷九 崇禎六年癸酉

周延儒罷相

知推館臬

內官監紀

山西賊

河南諸賊

賊犯湖廣

鄧祖禹罵賊 有附記

陳奇瑜威著關陝

誌異

卷十 崇禎七年甲戌

袁繼成論謫言官

袁繼成論拜內官

信用內官

諭罷監視太監

明季北略

目錄

六

倪元潞請撤監軍

陳子壯與溫體仁有隙

陳奇瑜總督五省

李自成降叛不常

高傑降賈人龍

龐瑜死節 附王端冕

戴君恩誘斬王剛

賊陷陳州等處

盧象昇勦楚賊

劉楚垣守荆門

曹文衡守唐縣

龔元祥霍山罵賊

熊文燦戴罪

童謠

大清兵入塞

誌異

卷十一

崇禎八年乙亥

賀王聖劾温體仁

罷文震孟

宗秩改授

各舉所知

鄒維璉告歸

董其昌致仕

曹文詔自刎

河南流寇充斥

盧象昇戰功

擒爬天王

流賊陷潁州

賊陷鳳陽

方震孺守壽州

吳大朴守廬州

賊陷巢縣

章可試守舒城

賊襲廬江

賊陷無為州

明季北略

目錄

七

包文達宿松死節

石電戰死

黎宏業和州自縊

附馬如蛟

李維樾守

鄭芝龍擊劉香老

鄭芝龍小傳

孝子馮時化

旌貞女鄭氏

陸貞女柏操

三峰大師傳

誌異

卷十二

崇禎九年丙子

陳啟新三大病根疏

劉宗周論時政

錢士升論搜括

詹爾選救錢士升

倪元璐論叅薦

劉宗周罷

文場兼武

瞿昌獻白兔

成德下獄

謫金光宸

大清兵入塞

鹿善繼被殺

敘守京功

劉宗周責溫體仁

謝陞罷職

常自裕論流寇

熊文燦代盧象昇

孫傳庭擒高迎祥

李自成入西川

河南光山之敗

左良玉鄱陵之捷

楚寇焚竹山

明季北略

目錄

八

張獻忠陷應城

附雲夢

宜城張烈婦

劉大鞏守滁州

楊爾銘救史可法

誌異

彭有源剖肝

孝子焚火不燃

大清朝改元

陳烈婦傳

許譽卿書

卷十三

崇禎十年丁丑

溫體仁擬旨逮錢瞿

陸文聲奏復社

李如燦直言下獄

楊光先叅啟新

朱國弼劾溫體仁

高起潛行部

賈臣罪己

楊嗣昌建議均輸

史可法巡撫安廬

聖駕巡城

黃道周七不如

鍾譚

陝西李自成諸賊

李巖歸自成

王忠軍謀

賊犯荊州

胡光翰戰死

賊擾江北

左良玉立功驕蹇

賊圍安慶

陳于王自刎

諸將死難

賊陷六合

誌異

明季北略

目錄

九

卷十四

崇禎十一年戊寅

元帝降虜

張任改總

城廬溝

黃道周經筵應對

曾就義兵食對

楊嗣昌論熒惑

何楷劾楊嗣昌忘親

黃道周平臺辯論

張縉彥論兵情賊勢

陝賊勦降略盡

豫楚屢捷

王燾隨州自縊

張獻忠請降

羅汝才乞撫

大清兵入燕齊

孫承宗殉節

盧象昇戰死

劉廷訓死難

鄧藩錫不屈

孫士美自刎

宋學朱被圍

鄧謙礫死

廬州浮碑記

又碑

蘇州井中鐵匣

錢肅樂和心史詩併跋

卷十五

崇禎十二年癸卯

內臣

王承恩哭夢

鄭二陽兵餉對

建設齋醮

京城浚濠

吳昌時恨薛國觀

明季北略

目錄

十

磔鄭鄖

鄭鄖本末

郝敬卒

陳繼儒卒

術士鄭仰田

左良玉破豫賊

張獻忠復叛

房景春父子死節

楊嗣昌代熊文燦

誌異

卷十六

崇禎十三年庚辰

賑民

築貢生

黃道周廷杖

徐石麒對三事

薛國觀免

李振聲請限田

禁薦

李自成敗而復振

楊嗣昌駐襄陽

羅汝才入川

左良玉大破張獻忠

楊嗣昌奪印歸印

吳卿論兵弊

張獻忠圍桐城

楊卓然議撫

誌異

歲饑

山東丐婦

卷十七

崇禎十四年辛巳

薛國觀賜死

召周延儒

幸學

內臣王德化

明季北略

目錄

十一

黃道周遣戍

李自成陷河南府

附呂維祺

錢祚徵罵賊

李自成陷歸德

牛宋降自成

羅汝才合自成

傅宗龍罵賊

劉國能自刎

李自成稱闖王

李自成兵逾百萬

左良玉屠臨潁

李自成陷襄陽

李自成陷南陽

李自成陷河南州縣

張獻忠燬驛道

張獻忠陷襄陽

楊嗣昌自縊

張羅二賊屠隨州

附徐溥

張獻忠襲泌城

山東李廷實

河南袁時中

泰安土寇

誌異

卷十八 崇禎十五年壬午

降座揖相

楊仁願論東廠緝事

天壇

駕幸地壇

謝陞削籍

馬士英起用

免稅停刑

蔣德璟入相

吳履中論二失

黃道周復官

明季北略

目錄

十一

誅陳新甲

召王應熊

劉宗周言六事

劉宗周削籍 附熊開元

定王倣書

山東李青山

王佐聖遵義遇害

孫傳庭殺賀人龍

李自成屠陳州

李自成決河灌開封

張氏商工自焚

李自成屠南陽

李自成圍汝寧

左良玉屯襄陽

李自成陷襄陽

李自成入荊州

左兵擾武昌

左良玉避李自成

王永祚投江

梁元昌家難

張獻忠陷舒城

張獻忠襲廬州

賀一龍陷無為州

革裏眼入英霍

張獻忠僭號收元

黃得功逐賊

張獻忠陷太湖

洪承疇降 大清

大清兵入塞

姜瀉里死難

宋攻殉節

附張嵒

張宏德貽禍萊陽

造船航海

誌異

無錫諸生逐令

明季北略

目錄

十三

卷十九

崇禎廿六年癸未

元旦失朝

祭十二陵

周延儒

附吳昌時

周延儒續記

審吳昌時

北都崩解情形

宋應亨不屈

搗錢造鈔

蔣臣奏行鈔法

李自成陷承天

上用銅錫木器

李自成屠黃陂

附記二異

馬士奇入對

左良玉避李自成

李貞罵賊

徐標入對

李自成襲殺左革

李自成陷常德

李自成擅號設官

李自成殺羅汝才

高斗樞守鄖陽

鄖陽古劔

顧君恩議取關中

李自成陷保康

孫傳庭逐李自成

孫傳庭攻拔唐縣

李自成入潼關

孫傳庭汝州大敗

吳從義赴井

孫傳庭夫婦死難

焦源溥罵賊

附焦源清

黃綱一問盡節

中部知縣朱新達

明季北略

目錄

十四

南企仲罵賊

李自成祭墓

余應桂總督陝西

李自成屠慶陽

榆林諸將殉義

李自成陷平陽

鄧太妙賦詩

張獻忠屠斬州

李自成陷甘州

張獻忠陷黃州

附易道暹

張獻忠屠斬水

張獻忠入麻城

黃州異僧

張獻忠大敗

張獻忠屠武昌

附崔文榮  
賀逢聖

蔡道憲長沙罵賊

附林國  
俊馮第

李乾德岳州三捷

趙某歸張獻忠

史可敬叛降張獻忠

楊夫人罵賊

朱國柱常德罵賊

劉熙祚永州罵賊

張鵬翼衡陽罵賊

張獻忠復陷岳州

張獻忠陷江西郡縣

袁州兵荒

南昌猛虎

左良玉復武昌等處

劉承允復衡沙

呂大器復江西郡縣

胡公平三縣土寇

沈萬登復汝寧

王漢戰死

羅尙文殺僧

荆偉被殺

四川犯官 三藩賊禍

明季北略

目錄

五

誌異 張獻忠入楚始末 李自成入楚始末

卷二十

崇禎十七年甲申

元旦文武亂朝班

風變地震

降乩

大清朝改元

李自成僭號

李明睿議南遷

曾應遴言撥亂之策

福嗣王奏

議撤寧遠

曾應遴奏江右事

李自成陷平陽

何騰蛟

元宵賊入城

李建泰督師

上諭

彭瑄奏

十九日

東陽許都

劉光昭殺叔

廿四癸丑

廿六乙卯

廿八丁巳

三十己未

李自成偽封

李自成偽檄

蔡懋德太原死節

張履旋投崖

山西全陷

馬嘉植疏

職任督撫諸臣

賊陷真定

李邦華議南遷

明季北略

目錄

六

附記南遷得失

余應桂請調諸將

三月己丑朔

張鏐請監國南京

初二日庚寅

初三辛卯

李建泰請南遷

初四壬辰

帝星落諸將

初五癸巳

初六甲午

周遇吉寧武大戰

周遇吉傳

附劉氏

初七賊陷大同

衛景瑗傳

初八宣府陷

朱之馮傳

初九陽和陷

初十徵戚繼助餉

十一頒罪己詔

十二昌平陷

十三城門設砲

十四孝陵夜哭

十五居庸關陷

十六報焚十二陵

十七乙巳賊圍京

十八外城陷

周聖后縊

十九丁未帝崩煤山

李自成入北京內城

二十自成入宮

內臣獻太子

官人魏費節義

贊費氏詩

諸女出宮詩

姜女歎

曹靜照宮詞

廿一得先帝遺魄

劉青田繪圖

明季七略

目錄

七

紀烈詩

附七絕

諸臣投職名

廿二庚戌

劉貢士曉天文

廿三諸臣黜名

廿四壬子

李自成改制度

保定始陷

廿五拷夾百官

搖汚

廿六勸進

選陞降臣

廿七吳三桂

廿八丙辰

程源移書唐廷彥

程源移書丘祖德

廿九程源移書曹友義

四月初一戊午

初四辛酉

初五壬戌

初六七八九十

十一殺勲戚大臣

十二自成東行

十四私示

十五降臣思逃

十六輦金入秦

十七自成至永平

十九東報急

廿五示備登極儀物

廿六自成回京

廿七縱兵搖掠

廿八

四月三十日自成西奔

自成祖墓

自成謠讖

明季北略

目錄

六

自成鑄錢

吳三桂請兵始末

附記野史

卷二十一

殉難文臣

二十一

殉難勲戚

殉難臣民

內外二十七

烈女八

卷二十二

誅戮諸臣

刑辱諸臣

幸免諸臣

從逆諸臣

從賊入都諸逆

孔孟討賊文

殺星降凡

李自成生

雲護自成

群賊推自成爲王

勸賑歌

李巖歸自成

宋獻策等歸自成

賊將官銜

李巖說自成假行仁義

左良玉中州之戰

劉熙祚死節

附弔詩

長沙女子

自成圍開封

孫傳庭敗

程源疏

防河勦寇附

繪圖續紀

明季北略

目錄

九

頒罪己詔

召張真人建醮

復方國安信

自成傳牌

渡河

偽詔

建泰出師

贊周遇吉詩

唐通入朝

白廣恩移書約降

朱之馮

唐通降

宋孩兒起數

杜秩亨議割地

帝后自盡

自成入京

劉宗敏傳諭

自成入大明門

偽詔

偽諭

象泣

富戶汪箕

宋獻策奏削髮

李巖諫四事

牛金星遇異僧

獻策議取土之弊

改服印

自成詐稱符命

自成死羅公山

公主夢

附記

總論流寇

李過降何騰蛟

論明季致亂之由

卷二十四 五朝大事總論

明季北略

目錄

序

國運盛衰

門戶大略

門戶雜志

流寇大略

明季北略卷之一

錫山計六奇用賓氏編輯

大清朝建元

萬曆四十四年丙辰。大清朝建元天命。指中國爲

南朝。黃衣稱朕。是爲太祖。然是時猶稱後金。後改

大清。太祖登極凡十一年。至天啟六年丙寅八月初

十日止。

附記。康熙三年孟夏四日。先君子曰。予壯年

時有華道士云。江右張真人北都建醮。伏壇久

明季北略

卷之一

一

之見。天上諸神俱不在。惟關聖一人守天門而  
已。真人問諸神安在。聖曰。今新天子出世。諸神  
下界擁護矣。真人曰。聖何不往。聖曰。我受明朝  
厚恩。故不去。時神宗季年。天下猶晏如。不信其  
說。至是始驗。

是時災異略載于紀異中。而猶有一二可誌者。  
猶憶萬曆四十二年甲寅。三月二十六日午時。  
訛傳倭至。城野狂奔。浙直皆同。時無錫老稚以  
爭入城。而蹂躪死者甚衆。四野見有赤身披髮

奔者頃之杳然。至今故老猶謂陰兵亂也。異已。四十四年正月初三。南京天雨紅雪。與唐貞元二年京師雨赤雪同。貞元德宗年號也。四月京師大雷電雷火。五月江西大水。六月甲子夜京師異常風變。聲若轟雷。刮倒正陽門外牌坊。天之示警爲何如矣。而上於萬幾槩置不理。宰相方從哲。徒以循默苟容而已。

蕭子玉僞稱都督

萬歷四十五年丁巳。遼撫使遼陽材官蕭子玉僞稱

明季北略

卷之一

二

都督。啣命使遼東。子玉盛其儀從。臨境彼不郊迎。子玉大怒詆之曰。天使儼臨而大都督不出。是辱皇朝也。將歸問罪。大清主聞之。懼然屬橐鞬迎道左。供具甚豐腆。子玉大喜。相與盡歡。徐致詰不貢市之命。從容對曰。本部之蜜。猶天朝之五穀也。五穀有不登之年。皇朝將誰是。詰耶。本部五年來花疎蜂死。是以不供。俟春枝花滿。釀熟花衙。當復貢市如初。此瑣耳。何煩聖慮。厚贈子玉。竝轡而出。至別處。從馬上拍子玉肩笑曰。汝是遼陽無籍蕭子玉也。安得假稱都督。

臨我郊境。我非不能殺汝。奏之聖明。顧不忍貽天朝以辱耳。爲我致意撫臺。後毋再作許事。子玉狼狽西奔。撫臺聞之。閉門累日。按遼撫疑卽李維翰。

### 撫順城陷

萬曆四十六年戊午四月十五日。大清以勁兵突

執游擊李永芳。城遂陷。因以漢字傳檄清河。言有七事。啣恨大畧。以護北關等爲辭。總兵張承允移師應援。二十日。大兵暫退。誘我師前。以萬騎迴繞夾攻。承允及副總兵顧廷相。遊擊梁汝貴死之。全軍覆沒。

### 明季北略

#### 卷之一

三

京師震動。大清主年六十誕辰。八子稱觴。議欲入邊。四王曰。撫順是我出入處。必先取之。今四月八日。聞李永芳大開馬市。至二十五日止。邊備必疎。宜先令五十人佯作馬商。驅馬五路入城爲市。嗣卽率兵五千。夜行至城下。舉砲內外夾擊。撫順可得。他處不戰自下矣。主從其計。卽命總兵麻承塔于十四日爲馬商前行。四王統衆夜至撫順。改笳爲號。大清主又與諸王引精兵五千接應。十四夜半。李永芳忽聞笳聲大驚。又聞城聲沸。火焰燭天報。大兵已入城。

矣遂降于四王爲副總兵卽薙髮緋衣

清河城陷

閏四月大清主歸漢人張儒紳等賫文請和自稱建州國汗五月十九日統衆尅撫安三岔白家冲三堡偵報兵至如風雨建州馬夏月喜啖河旁柳葉兼與時會合衆近十萬北關惴惴不免朝鮮已諧秦晉李永芳亦降東締姻七月大兵從鴉鶻關入二十二日晨圍清河叅將鄒儲賢拒守援遼遊擊張旆請戰不從大兵冒板挖牆自寅至未墮東北角積屍

明季北略

卷之一

四

上城旆戰死儲賢遙見李永芳招脅大罵赴敵亦死之而城中擁兵六千四百餘唯束手待斃自三岔至孤山竝遭焚燬唯叅將賀世賢於靉陽邊外縱擊得首級百五十四

聞大清主破清河先一日二子與張總戎夜飲極

洽酒酣二子忽叩張云屢勸家君止戈而壯心不已假令終違苦口元戎何策禦之張總戎時已醉盛稱中國威德兼揚已長二子微笑而別驅貂參車數十乘入城貂參窮而軍容見因入據城門延入諸騎故

清河之破。視撫順尤速。自後破廣寧遼陽。總之先潰在中國。又遇一大兵之善戰善攻。故立破耳。  
七月賜總兵張承允諡。加祭三壇。予立祠名旌忠。

劉杜二將軍敗績

萬歷四十七年己未仲春二十有二日楊經略鎬用古行師不刻日編陣。一軍出西方。一軍出西北。一軍與北關會。擣之一軍。將海師合高麗攻其東。西師大帥杜總戎松而劉總戎挺將西北軍。李如栢馬林等爲後援。師號十二萬。不滿十萬人。杜將軍爲西陲名

明季北略 卷之一

將勇且廉。戊午師出潞河。潞河人聚觀之。揮汗濕郵亭。將軍裸形示與人。曰杜松不識字武夫。惟不學讀書人貪財害人耳。衆見其刀箭癢如疹痘兒十朝時。間有紅處。乃良肉也。相與揮涕咨嗟而去。劉將軍少年立功黔中。曾見其列駿馬五十餘。跳躍其間。來往輕于舞蝶。當征關酋時於大營斬三大牯頭。隨刀落刀三提而已。征東後平播酋。功最上。議者擬匹寧遠功。會獻俘所上。惟象床三十六。他物率不稱。上心疑。經略以下有私。遂停賞格。最後官都督著成績。挂簡。

東歸時赴司道宴酒半將家丁五百習戰藝場家居日費私財五十金養死士蓋一日不忘報國者時

大兵精銳三萬人應杜而使別將將弱兵萬餘禦劉杜先戰期三日抵渾河渾河險窮處從坦地橫絕其中以分東西者也日已昃矣諸將請安壘休息明晨東渡杜將軍怒曰義旗東指孰抗顏行棄勝而前何期之有遣人視河河水不遮馬腹而河中浮小舟數十將軍大喜謂天人俱助且恥乘舟將裸形策馬諸裨請授甲將軍大笑罵曰入陣披堅豈壯夫事老夫明季北略

卷之一

束髮從軍不知甲重幾許今日汝曹乃以此相苦耶不顧躍流而渡諸軍競進渡十之七大兵使人決上流師衝爲兩没于河者幾千人渡河將士反顧生寒陣甫合而暮黑霧障天大兵萬炬忽明火光下斫暗中人杜師不及張弓露刃而將士成泥矣大兵于火光中識杜總戎爭射之斃其肉立盡并獲杜號矢號矢者軍中稱令箭乃經略授之總戎以驅策偏裨者先是劉總戎從西北渡破二寨斬三千餘人大兵旣破杜師乃復將其精銳北應劉將軍使浙

降人之黠者。詐爲杜將軍材官。持號矢晨馳至劉將軍營告急。曰杜師邀將軍威靈。幸抵敵城。深入敵疆。虞攻之不繼。敬遣材官某請將軍會師夾攻。劉遲回良久。曰子與爾總戎。鴈行安得傳矢。是裨我也。僞官曰矢雖以令偏裨。而令偏裨實不俟矢。此矢之發爲事急取信計耳。劉不反思。咤曰出師時相約傳砲爲號。今師抵城下。何不聞砲聲。官隨應曰敵地無烽火。晨始列騎代斥埃。此去敵城五十里。馳三里傳一砲。不若一騎之驅較速。劉方首肯而僞官已叩首馳出。

交和矣。還報我師曰劉將軍俟砲乃行。于是師中下令傳砲而砲未傳前。劉心已動。恐杜將軍獨有其功。令諸將拔營而東。老弱各人持鹿角。繞營如城。遇敵則置鹿角于地。轉睫成營。敵騎不能衝突。兵得以暇。列置火具。敵前隊斃于火攻。則不能進。我乘間出勁騎格鬪。肆出肆入。疲則還營少休。而令息者賈勇。且劉之火器妙絕諸軍。生平所恃以無衡者此也。始聞砲聲。猶敦陣而行。行未二十里。砲聲益喧。心搖搖惟恐足之不前。設杜先入城。則宿名頓墮。乃下令棄鹿

角而趨。行里許而伏兵四起。劉旅不復整矣。長技不及一施。衆遂殲焉。

按劉綎攻倭酋。在萬曆二十六年戊戌。十一月十七日五鼓也。時在朝鮮地。又二十八年庚子二月十五。劉綎破播州楊應龍兵于綦江三峒。三月二十九日入婁山關。萬峰插天。中通一線。師從間道攀藤魚貫入。至六月初七遂破大城。應龍縊。

子聞。大兵獲浙之降人。一兄一弟。將斬其兄。其弟請釋曰。汝能給劉將軍來。則釋其兄。其弟以救

明季北略

卷之一

八

兄心急從之。大兵遂留兄爲質而遣其弟往焉。先君子嘗云。無錫秦燈。力舉千觔。聞滁州武狀元陳錫多力。往與之角。將栢木八仙檯列十六盞。菓盒悉具。設酒二爵。秦燈隻手握案足。能舉而不能行。陳錫則能行。力較大矣。然僅數步而止耳。惟劉綎繞庭三匝。而甯盞如故。其力更有獨絕者。去吾鄉六里有悟空寺。寺有老僧。自言少年時嘗爲劉綎小卒。劉善舞刀。故世號劉大刀。每戰還營。以力竭。卽仰臥營中。血集甲手。握刀不解。爲血所

凝。漬于湯中久之乃解。此僧親侍故見之。

通紀云。戊午撫順清河相繼陷。上特起廢將李如栢。總遼鎮兵。及徵廢將杜松屯山海關。劉綎柴國柱等。赴京調度。時楊鎬以遼舊撫推兵部侍郎。命往經略。賜劍一。九月東方有白氣長竟天。其占爲彗。及蚩尤。旗象主兵。而星隕地震。報相踵。海州遙見白虹貫日。如日竝出者三。白氣直罩城上。己未二月十一日。楊鎬誓師遼陽。凡分四路。馬林率遊擊麻岩丁碧等。從靖安堡出邊趨開鐵。及都司竇永澄督北關之衆。攻

明季北略

卷之一

九

其北。杜松率都司劉遇節等從撫順關出邊趨瀋陽。攻其西。瀋陽路最衝。以保定總兵王宣原任總兵趙夢麟並隸戲下。李如栢率叅將賀世賢李懷忠等從。鴉鵲關出邊趨清河。攻其南。劉綎率都司祖天定等。從瞭馬佃出邊趨寬奠。及都司喬一琦督朝鮮之衆。攻其東。期二十一日先後出師。會十八日夜。司天占火星逆行。二十日京師風霾晝晦。黃塵四塞。有頃赤光射人如血。其占四彝來侵。上諭東征。將士備邊三月。杜松越五嶺關前抵渾河。棄車營趨利半渡。敵萬

餘忽遮擊衝其師爲二。松血戰突圍自午至酉。力竭師殲焉。馬林改由三全出塞。翌日方抵二道關。遇敵棄勝來攻。亦敗績。劉綎獨縱兵馬家寨口。深入三百餘里。尅十餘寨。初四日敵詭漢卒裝誘墮重圍夾攻。衆遂潰。綎及軍鋒劉招孫等竝陣歿。惟清河一路。李如栢以經略令箭撤回。獲全。先是綎出師日。五星鬪于東方。松垂發牙旗折爲二。又堡中軍庫災。火器盡燬。白氣竟天。三匝。識者豫知爲敗。徵云。及報至。舉朝氣索。諭楊鎬戴罪視事。廷議李如栢逗遛獨全。疑有明季北略

卷之一

十

謬巧。遣其弟都督李如楨代將。撤如栢侯勘。

附記杜松與劉綎節至瀋陽行二日。至渾河。松領五千人先渡。遇節隨後半渡。敵一鳴笳。萬騎突至。方抵北岸。敵分兩隊。一圍松。一圍遇節。松輪長鎗大戰。出重圍。遇敵將哈都。哈都被刺。走以誘松。松追至山前復戰。敵兵見之。不圍杜師。獨圍杜松。哈都二人。杜師亦趨至。擁山下不殺入。松躍馬欲出。而四圍如鐵。遂殊死戰。自午至酉。師盡覆。因楊鎬誓師。先泄軍機故也。哈都哈真二將。卽以勝兵圍

馬林于關口。後營被傷。乃金白寶永澄所統者。馬林率師趨救。敵兵不知兩軍。遂驚走。哈都潛率兵從後殺入。馬師不及備。被傷二千。林收兵渡河南岸。駐扎。劉綎率師自牛毛寨進至馬家寨。二寨俱敵營。綎進戰連破十餘陣。追入三百餘里。然綎久戰亦疲矣。遂駐營休兵。一日忽報杜松戰勝。云云。遂墮計。綎與兩王子力戰。自己至酉勝負不分。四王子退走。綎不知計。追四里。四王子發矢中綎左臂。綎一手拔箭。一手輪刀復戰。面復中一矢。一王子乘勢殺之。時義子劉招孫前救。見綎已死。下馬負屍。右手持刀戰兩王子。被四王子一矢中心而死。

楊鎬逮治

八月十三日上遣緹騎逮治楊鎬。九月二十六日刑科叅失機諸臣功罪狀。叅看得楊鎬喪師失地。據法罪原難道。而嘵嘵置辯。曰未嘗私李如栢也。曰杜松故違節制也。曰馬上督催不敢抗違也。不思如栢乃遼東大將。當時四路竝進。何不以大將當關。而乃以

清河與如栢。故令杜松出撫順。耶在如栢怯懦畏敵。本無求戰之意。故再出輒逃。而鎬以令箭招之。說者謂令箭先藏栢身。託之傳自于鎬。則鎬之私庇如栢甚明。不然杜松輕進。何不用一箭令退。而獨于如栢汲汲也。杜松廉勇久著。有古名將風。聞鎬將出師。杜松謂兵餉未充。士卒不習。將領未協。不便大舉。鎬貪功自用。徑行不聽。松乃密遣人進關投揭。當事冀緩其師。而如栢偵知。令人于關外邀回。重責十棍。致松謀不行。兵受其創。見有松姪總兵杜文煥抱憤投揭。明季北略

卷之一

自脫。而遂轉相流布。不念其死敵。而且沒其功。松死  
不瞑目矣。嚴詰催戰。固奉有明旨。獨不思將在外。君  
命有所不受乎。卽不然而以抗違被逮。不猶愈於以  
敗衄伏辜耶。卽令口如懸河。其如法在不赦。至李如  
楨與周永春失陷開原。明旨曰。開原失陷。撫臣責任  
封疆。豈能無罪。則其罪視如栢。俱一體之人。況遼事  
未平。有罪無功。仍宜單論其罪。如栢雖先雉經。尙當  
跪斬。鎬等若容免脫。是謂無刑。

熊廷弼經畧遼陽

明季北略

卷之一

七

六月十五夜。大兵數萬騎乘虛直薄開原。孤城立  
下。十九日以三萬圍鎮西堡。瀋鐵奔潰。上乃擢熊廷  
弼代楊鎬經略。廷弼請恢復開原。上賜劔。廷弼單騎  
就道。八月二日廷弼受代。翌日入遼陽。斬陣逃游擊  
劉遇節等。設壇躬祭。撫清開鐵死事軍民。廷弼疏稱  
瀋陽空城難守。不如還守遼陽。上諭酌畧。緩急。因決  
策守遼陽。挑壕築垣。借水爲防。

紀異

自古有國家者。一代之興。必有絕異之休祥。著于始。

一代之亾亦必有非常之灾禛兆于前驗之天地徵  
之人物斷斷不爽者萬歷三十四年丙午三月雞鳴  
候西南方天上懸一關刀口向上凡一月而滅五月  
遂生李自成兵象見矣三十六年戊申南京大水禾  
黍俱無鳳翔袁應泰爲淮徐道黃河出碑文云

碑出于戈動江東血水流荒茫天地亂發難鬼神愁  
末云洪武元年青田劉伯溫書未幾應泰經略遼東  
喪師失地殆無虛日

四十四年丙辰廣甯婦生一猴二角是年  
明季北略 卷之一 十四 清朝建

國號 大清太祖武皇帝卽位建元天命開科取士  
始有會元而中朝會元沈同和以弊發除名洪承疇  
登進士是 清有元而明無元承疇後爲 清之勳  
臣俱天也二月二十五日南京地震自西北來有聲  
山東地震龍鬪正陽門河水三里赤如潰血京師大  
震陝西牛產犢人頭人面六月二十三日蜻蜓自東  
南來環飛蔽天高者極青冥卑及檐楹而止彷彿如  
北方大風揚塵沙莫能名其多也人云海風吹來者  
秀水有異鳥人頭鳥身集于樹竟日乃去大旱秋旱

尤盛。定遠富農。劉子元捕蝗甚力。蝗如片雲墜下。將子元田頃刻食盡。

四十五年丁巳。江南星異。自五月下旬起。千萬成羣。脚尾渡江而南。穴處食苗。

四十八年庚申。蚩尤旗見。圓削而長二十餘丈。首鉅尾細。白光凝雲。若懸亦然。踰半月始隱。

一野史云。四十六年戊午八月。彗星東起。長數十丈。潤四五尺。本粗末銳。其形如刀。自巽而乾。光芒映耀。

卽蚩尤旂也。自八月初見。至十月終始隱。是星見主明季北略。

天下大亂。

此野史一段乃辛亥四月九日社塔王館補書

泰昌元年庚申

光宗貞皇帝

帝諱常洛。神宗之子。萬歷十年壬午生。至二十二年甲午出閣講學。時年十三歲。岐嶷不凡。讀書成誦。作字有法。故事每講閣臣一人入直看講。講案前有銅雙鶴。叩頭畢。從銅鶴下轉。東西面立。一閣臣誤出銅鶴上。帝囑內侍曰。移銅鶴近前些。雖不明言。意在默寓。衆皆歎服。一日講巧言亂德。講章曰。以是爲非。以

非爲是。劉幼安當直。旣敷衍畢。因問曰。何以謂之亂。德帝朗然荅曰。顛倒是非。蓋化詞臣之句。而囊括之。更覺明切。講官焦竑請問維皇上帝。降衷于下民。若有恒性大義。荅曰。只天命之謂性是已。講官董其昌請問擇可勞而勞之。荅曰。所謂不輕用民力也。講官嘆服。四十三年乙卯。帝年三十四。時居青宮。有張差挺擊一事。神宗在慈寧宮。問帝曰。你有什么話說來。帝知神宗旨。乃曰。似此風癩之人。決了便罷。不許株連。又曰。我父子何等親愛。諸臣無聽流言。爲不忠之臣。

使我爲不孝之子。神宗始悅。四十八年庚申。八月朔。卽帝位。時年三十九矣。九月朔。帝崩。凡登極一月。詔以八月以後稱泰昌元年。明年改元天啟云。

附前挺擊青宮一案

初。萬曆四十三年乙卯五月初四日。驀有男子闖入東宮。以挺搥仆守門內侍一人。韓永用等呼集執之。送部鞠審。是犯姓張名差。御史劉廷元疏言。跡涉風魔。貌如黠猾。刑部郎中胡士相等定爲風癩。提牢官王之寀重加詰問。言有馬三道誘至龐劉二太監處。

語多涉鄭國泰。國泰出揭自白。科臣何士晉請窮其事。上大怒。因召百官進。百官膝而前。時太子三皇孫俱侍。上曰。昨有風癩張差突入東宮傷人。此是異事。與朕何與。外庭有許多閒說。爾等誰無父子。乃欲離間我父子耶。止將有名人張差龐保劉成。卽時凌遲處死。其餘不許波及無辜一人。尋執太子手示羣臣曰。此兒極孝。我極愛惜。他時御史劉光復伏于衆中。喜極揚言曰。陛下極慈愛。太子極仁孝。因班聯稍後。聲頗高。上誤以爲別有所爭。命中涓擊下。承旨者挺

明季北略

卷之一

七

杖交下。上令押朝房待旨。怒稍夷。又以手約太子體曰。彼從六尺孤養至今成丈夫矣。我有別意。何不于此時更置。至今長成。又何疑耶。尋誅張差于市。斃龐劉于內庭。事遂寢。于是罷王之案。官補何士晉于外。

紅丸一案

八月二十九日。李可灼進藥。明日光宗崩。九月初三日。丁丑。御史王安舜。叅李可灼進紅丸罪狀。言臣接邸報。奉令旨。賞可灼銀五十兩。夫可灼敢以無方無製之藥。駕言金丹。且唱言情。知子平。五星。天壽。莫逃。

此不過借此以塞外廷之議耳。奉令旨李可灼于先帝病革之時。具本進藥。不效。殊失敬慎。但亦臣愛君之意。姑從輕罰俸一年。

楊漣論內官崔文昇用藥之誤。言帝疾法宜清補。文昇反投以相反相伐之劑云云。此八月二十四日疏。九月三日御史鄭宗周請下文昇法司嚴鞫。言往歲張差之變。禍幾不測。張差之後。因有文昇。致先帝一旦崩逝。當寸斬之。給事惠世揚奏崔文昇輕用剝伐之藥。傷損先帝。科臣臺臣論之。輔臣方從哲。又何心。

明季北略

卷之一

六

而代擬出脫。南京太常寺少卿曹珍疏。請究醫藥奸黨陰謀。謂當與先年挺擊寺宮同一姦謀云。南臺御史傅宗臯論崔文昇用藥之誤。御史馬逢臯。南御史李希孔。交章劾文昇用藥之故。宜正典刑。刑部主事王之采。奏請復先帝之仇。論李選侍鄭貴妃崔文昇李可灼共一線索。禮部尚書孫慎行。叅方從哲。李可灼進藥之罪。吏部尚書張問。達會同戶部尚書汪應蛟等。公奏曰。李可灼非醫官也。一旦以紅丸輕進。而龍馭上昇。罪勝誅乎。崔文昇身歷提督。當可灼進紅

九之時何不詳察罪又在可灼上矣上諭李可灼拿  
解法司究問正罪崔文昇發遣南京三年戍可灼御  
史郭如楚論李可灼之罪

光熹時有三案三案者挺擊紅丸與移宮也移宮  
一案已具于楊漣傳後

熹宗登極極林一空專斷國事  
熹宗光宗之子萬歷四十八年庚申九月初六日登  
極卽泰昌之元年也

顧慥論遼事

明季北略

卷之一

七

九月十二日御史顧慥奏曰十月十二日東兵以萬  
騎由撫順關萬騎由東州堡入深至潭河總兵賀世  
賢柴國柱設防瀋陽却之然閱姚宗文之疏謂六月  
失事焚掠太慘村屯一空專制閩外胡匿不以聞昨  
見賀世賢塘報則僅僅斬一級獲一盔奪四韃馬耳  
而遂誦功于部院不亦羞朝廷而貽敵人笑耶且土  
馬物故不知幾何而尙侈口遼城之無恙乎今年八  
百萬來年八百萬除天助云云乃可不然水潦旱蝗  
所在見告此八百萬者安能歲歲而輸之臣恐民窮

財盡盜賊蜂起。憂不在三韓而在蕭牆之內矣。

自嘉宗立。饑饉荐臻。不數載而流寇起。卒亾天下。助疏如操左券。

### 河清

八月十五日。臨鞏蘭州之間。已時見河流上泛。自至申時。徹底澄清。土下數十里。一望無際。至十七日未時。照舊濁流。共清三日。臨鞏道與戶部郎中黃寬親詣河橋目睹。至九月二十二日乙未。陝西撫臣李起元奏上。

### 明季北略

### 卷之一

三

時天變地震與物怪多矣。而茲河清者何。予聞黃河清。聖人生。以衰晚而望至德。必不可得之數也。

### 楊嗣昌奏歲饑

八月二十三日戊辰。餉司楊嗣昌奏言。臣在應天聞淮北居民食草根樹皮至盡。甚或數家村舍。合門婦子併命于荳箕菱稗。比渡江後。灶戶之搶食稻。飢民之搶糟糧。所在紛紜。猶曰去年荒歉之所致也。至于江南。未嘗有赤地之災。稽天之浸。竟不知何故。洶洶歎。一入鎮江。斗米百錢。漸至蘇松。增長至百三四

十而猶未已。商船盼不到關。米肆幾于罷市。小民垂橐。偶語思圖一逞爲快。甚有榜帖路約堆柴封燒第宅。幸賴當事齊之以法。一時撲滅無餘。然顧瞻閭左。民窮財盡。今日百姓尙知討賊。尙可催科。只恐百姓自己作賊。誰爲我皇上催科者。

百姓自己作賊。六年。十年來不幸而申。

### 熊廷弼回籍

九月十五日巳。御史馮三元論經略熊廷弼無謀者。入欺君者。三廷弼乞罷楊漣奏曰。議經略者終難明季北略。卷之一

三

抹殺其功。憐經略者亦難掩飾。其咎功在支撐。辛苦得一載之倖安。咎在積衰難振。悵萬全之無策。二十一日。御史張修德請貶竄廷弼。廷弼上疏求勘。因陳守遠之功。戶科王繼昌奉旨會議。奏曰。廷弼掛衆議者三。以嫚罵爲氣餽。將帥不爲用。不能成功。一。始初不能用遼人。客兵蹂躪遼地。遼人離心。不能成功。二。動天下兵。靡財浩費。所過驛騷叛者。姪劫。不能成功。

三。

廷弼乞罷疏曰。遼師三路覆沒。再陷開原。職始驅羸。

卒數百人。踰跟出關。至杏山而鐵嶺報失。當是時。河東士民謂遼必亡。紛紛奪門而逃也。又武官謂遼必亡。各私備馬匹爲走計也。各道謂遼必亡。遣開原道韓善分守道閻鳴泰往濟。皆不行。而鳴泰且途哭而返。河西謂遼必亡。議增海州三岔河戍爲廣甯固門戶也。關內謂遼必亡。且留自備而不肯轉餉也。通國謂遼必亡。不欲發軍器火藥而恐再爲寇資也。大小各衙門謂遼必亡。恐敵遂至京師而晝夜般家眷以移也。中外諸臣謂遼必亡。不議守山海都門則議成。

明季北略

卷之一

三

海州爲遼陽退步。成金伏爲山東塘埤也。卽敵亦謂遼必亡。而欲坐殿以建都也。其間惶惶之狀。不能以旦夕待。而今何以轉區爲存。地方安堵。舉朝帖席而臥也。此必非不操練。不部署。不撫輯。專事工作而尙威刑者所能致也。至謂職擁兵十餘萬。不能大入大創。小入小創。斬賊擒王。而殃民蹙地。爲敵人所笑。誠有如所歎者。第言斬賊擒王之事。于此日之兵之將。且勿易言也。今箭催而張帥殞命。馬上催而三路喪師。職于今日何敢輕率云云。遂繳還上方。席藁待罪。

土命廷弼解在回藉聽勘十月初十日以巡撫袁應泰經略遼東。

廷弼交代疏曰。去秋遼陽以北棄城而逃。今自瀋奉以南不但本城逃者復歸。而開鐵蒲河以南。不知日集幾許。各處商客增來幾許。此交代之人民也。清撫開鐵蒲伊汎等城咸爲敵陷。雖未遽復。而瀋陽奉集寬發。醜陽長永寬奠皆棄城也。今皆復守。而遼陽無論已。此交代之城堡也。去秋遼城止弱馬兵四五千人。川兵萬人。瀋陽戍兵萬餘人。今援兵募兵計十三萬。各堡漸有屯集。各城漸有設防。此交代之兵馬也。自去年八月起。今年九月終。止通共用銀二百三十一萬餘兩。米豆用一百餘萬石。不知一年虛糜八百萬之語。是從何來。此交代之錢糧也。各色軍器除疏請內庫咨取各邊不計外。打造過大砲重二百觔已上者以數百計。百斤六八十觔者以數百計。百子砲以千計。三眼銃鳥銃以七千餘計。其餘盔甲胸包臂手甲梁戰車鎗刀弓箭。以反鋼輪火人火馬火鐘釘。搬牌櫃等項。皆以數千萬計。此交代之器械也。何一

件非職大聲疾呼爭口鬪氣所得何一事非職廢寢  
忘餐吐血嘔肝所幹辦何一處非職身親脚到口籌  
手畫所親授一切地方極繁極難事體有邊才數年  
經營不定者一年而當之而爲臣者亦難矣年來廟  
堂議論全不言軍中情實而第憑塘報敵緩急以爲  
說前冬去春敵以冰雪稍緩輒闕然言師老財匱馬  
上催戰及敗又愀然噤口不敢道一戰字比見職收  
拾纔定而愀然者又復闕然急急責戰矣畢竟矮人  
觀場有何真見至如用李如栢李如楨裁巡撫添巡

明季北略

卷之一

三

撫起贊畫用閩科議督護何非臺省所建何嘗有一  
効地方事當聽地方官爲之彼旣處凶地着重擔自  
能區處停妥幹辦緊急何用拾帖括語徒亂人意而  
一不從輒艱然怒若此後議論不省則經略必無所  
措手足矣此臣爲經略與封疆并國家慮者也

明季北略卷之二

錫山計六裔用賓氏編輯

天啟元年辛酉

瀋陽陷

總兵賀世賢駐瀋陽正月 大兵數萬騎抵渾河昏  
候報渡河近城矣世賢大驚備火藥于堞間登城望  
大兵尚離城四里卽命發砲未傷一騎而火藥已  
盡須臾圍城次日副總戎尤世功率萬人出戰殺傷  
過半而返堅守不出經略袁應泰得報命叅將王世  
明季北略 卷之二  
科率五千人赴援敵將哈都殺之軍盡降攻圍十日  
北門破世賢啟西門單騎走不數里至雙溪遇李永  
芳哨騎五百遂請降與永芳同馬入瀋陽城 大兵  
授副總兵瀋陽既陷 大清以此城爲王都號曰瀋  
京。

遼陽陷

天啟元年三月二十日遼陽陷先是經略袁應泰開  
瀋陽陷與巡按張銓分守道何廷魁監軍道崔儒秀  
等會議忽報 大兵自四里鋪至矣命總兵侯世祿

出敵遇哈都哈真二將合戰自午至戌勝負未分遂  
收兵至東山駐營。大兵乘夜攻小西門。應泰命發  
火器達旦。大兵死傷頗衆。火器亦盡。令監軍牛維  
曜出小南門助侯世祿再戰。維曜中流矢師潰。世祿  
不支亦走。應泰與張銓何廷魁崔儒秀城上見之。知  
事敗。乃日本院奉命專征欲恢復。疆土上報朝廷下  
安百姓無如天數至此。使謀臣不能決策。勇將不能  
奏功。遼陽會城危在指顧。若退守河西。不惟無顏而  
聖朝且羞見諸將士。願繳尙方誓以身殉公等無聞  
外責可速出城收拾餘燼爲退守河西計。銓等曰我  
輩皆受國恩。今日患難時。正當捐軀報國。願相從地  
下同爲厲鬼。擊敵耳。言未訖。四門報攻城各分門而  
守。頃之小西門火起。大兵已登城。小南門內應開  
門。兵大人應泰在東城樓拜關。謝恩取劔自刎。儒秀  
縊死。張銓死守北門。見李永芳攻城。大罵。昔國忌君  
逆賊。不芳伴不聞。聲叱兵攻益急。須臾城破。銓于  
城樓猶罵不絕口。大兵登城殺之。遍城火起。哭聲  
震地。何廷魁回署與一妻二女投園井而死。

遼陽生員楊某順治十七年總督松江吳無錫進士劉果遠會飲。演梨園酒酣楊拍案呼曰。止板誤矣。劉問曰。老總臺精審音律乎。楊曰。子命亦藉是獲存。初遼東之破也。恐民貧患亂。先拘貧民殺盡。又二年。恐民富聚衆致亂。復盡殺之。惟四等人不殺。一等皮工能爲快鞋。不殺。二等木工能作器用。不殺。三等銚工能縫裘帽。不殺。四等優人能歌漢曲。不殺。惟欲殺秀士。時子爲諸生。思得寸進。閉戶讀書而頗肥白。被獲問曰。汝得非秀士乎。對曰。非也。優人耳。日優人心善歌。汝試歌之。子遂唱四平腔一曲。始得釋。楊述竟卽于筵間親點板。歌一闕而罷。

袁應泰傳

袁應泰字大來。號位字鳳翔。人萬歷乙未進士。除臨漳知縣。築長堤四十餘里。以禦漳水。陞工部主事。又備兵淮徐。以歲饑發賑。被采移疾。歸起河南叅政。備兵永平。會邊報警。庚申八月初九。陞僉都御史。巡撫

遼東熊廷弼既以人言去任十月朔十乃陞兵部侍郎賜劍經略遼東既至遼上疏言臣父遺書命臣不得請告乞骸病醫于斯死葬于斯如以罪蒙譴亦願編爲土伍以殺敵不敢入山海關一步有旨褒荅初熊廷弼守遼陽部署嚴整慮泰至微有改張而收降一東殊不厭人心應泰謂西人以食盡投東東輒撫爲銳師姑收之以壯我而孤敵計良便迨瀋陽破暨軍欲誅降人就縛矣應泰驗其背負重創慰遣之而罵縛者既與死難諸臣積相左而他苟活者無所誘

明季北略

卷之二

四

尋競曰遼不自亾降人亾之云城陷應泰于城樓上望闕拜疏曰臣至遼見人心不固不可以守是以有死逾葬遼之誓今果陷臣力竭而死望皇土收拾人心爲恢復計復寄書辭其父遂自縊死內侄姚居秀從之僕唐世明憑尸大慟縱火焚樓而死朝廷以應泰妄收降人輕信叛將致亾藩遼及明年十月始得贈兵部尙書子祭蔭一子人監云

張銓殉節

公諱銓字守衡號見平山西沁水人萬曆甲辰進士

授保定推官。入爲浙江道御史。以憂歸。起按江右。會東事棘。巡按遼東袁應泰方以受降。公曰。遼禍在此矣。力爭不得。及遼陽被圍。公與應泰嬰城守。應泰曰。泰不才。待罪經略。當以身殉之。按臣無閫外責。尙可收拾餘燼。爲退守河西計。公曰。不然。吾世受國恩。豈有城破身存之理。城陷。大兵擁公出署。公不屈。將殺之。比出門。復引公還。好言慰之。公終不屈。乃令二人強扶上馬。送還署。至署門。向北闕五拜曰。臣不能報皇上復呼父母。四拜曰。兒不得事父母。乃自經死。

明季北略

卷之二

五

之公美鬚髯好讀書。在江西著春秋補傳。若于卷贈大理寺卿。再贈兵部尙書諡忠烈。予祭葬廕一子錦衣。世指揮僉事。建祠名曰昭忠。而特擢公父大理卿五典。至兵部尙書。而與公同死者。又有按察司副使何廷魁。僉事崔儒秀。

公死事與他載微異。然殺與縊總歸殉節而已。

何廷魁投井

何廷魁字汝謙。山西大同人。萬曆辛丑進士。授涇縣知縣。改令蒲晉。入爲刑部主事。陞歸德知府。擢西密

副使降黎平知府尋備兵遼陽與袁應素多牴牾爭  
納降事不得乃貽書家人曰吾不知死所矣遼陽陷  
同事者爭遣其孥公曰吾不敢爲民望大兵濟河  
請于應泰乘半渡急擊不聽及薄城未合請悉銳禦  
之又不聽城陷還署懷印自投于井妾高氏金氏從  
之婢僕六人一時同死贈光祿寺卿再贈大理寺卿  
諡忠愍蔭一子錦衣世百戶賜祭祀昭忠

崔儒秀自溢

崔儒秀號敬初河南陝州人萬歷戊戌進士除按察

明季北略卷之二

六

知縣與要人忤屏居數年補絳調翼城嘗格殺大將  
匿刑部主事左遷令文安復人爲戶部主事陞山東  
命事飭開原兵備而開原亾矣公散家資募健兒入  
百人薜墓而行公旣以能吏聞復究心兵法及行陣  
器械之制旁及奇門六壬太乙之屬無不通曉應泰  
傾心任之亾何納降起公力諫不聽賀帥世賢有異  
圖公諷之質其家子遼陽大兵攻奉集堡小亾而  
去尋舉衆攻遼陽公分守東城矢集如雨不少卻頃  
之應素所簡精兵自遺降兵競起刀入于齷成開公

勸哭戎服北向再拜。步生都司廳平曰。經死猶光祿寺卿。再贈大理寺卿。廕一子錦衣世百戶。賜祭祀。昭忠而武臣死者。尤世功。陳策。董仲談。張名。世夷之傑。周敦吉。臧金。鄧起。龔秦。邢屏。餉司陳堯。曰。段展及邢屏。媿土官秦氏。竝得贈卹云。

廣甯潰

遼東經略熊廷弼主守。駐閭陽。巡撫王孔貞主戰。駐廣甯。二人議論遂成水火之致。敗之由也。天啟二年壬戌正月。化貞疏言。臣願請兵六萬。進戰一舉。蕩平

明季北略 卷之二

七

且真粘化定盟。及虎墩免惡。敵血无。用遼將孫得功爲先鋒。欲共殺敵。廷弼俱言不可。言化貞不從。大兵臨河。欲渡。總兵劉渠。駐兵振武。飛書告急。化貞招外兵萬眾。至邊策敵。必不敢渡。柳河欲令部將羅萬言哨卒。過河誘之來。入以驍騎蹙之。可以大創。各道以爲非計。乃止。大兵渡河。逼西平堡。羅一貴堅守。一日夜。大兵頗被傷。將解圍。復攻振武。總兵劉渠方集陣。有先鋒孫得功。乃化貞所任。心腹驍將也。淮渠當先。未及戰。得功呼曰。兵敗矣。率州部走渠。略陣。

馬蹶被殺。祁秉忠扶病上馬中箭死。李永芳復環攻西平城。陷一貴自刎得功。走入廣甯。疾呼軍民宜早。剃頭歸降。因命其黨封府庫。以待一城。閔然率奪門走化。貞方晨起視書。西將江朝棟排門入。呼曰。滿城人走空矣。化貞股栗。不知所爲。而所坐馬已爲心腹。將竊去。倉皇整行李四箱。以二素駝載之。而自騎朝棟馬以行。及門。亂兵訶止。將縛之。朝棟至。持刀與鬪。乃得出。得力遂踞城附敵。此正月二十二日事。

廣帝飢潰。化貞所招外兵大肆殺掠。逃軍和之。難民。明季北略 卷之二

八

西奔者十不得一。遺棄幼小子途。蹂踐死者相望。化貞從數騎走閭陽邊。熊廷弼自右屯引兵至。止焉。化貞向廷弼而哭。廷弼顧笑曰。六萬軍蕩平遼陽。竟何如。化貞慚。尋向廷弼議固守甯前計。廷弼曰。晚矣。公不受給募戰。不撤廣甯。香于振武。當無今日。此時兵潰之勢。誰與爲守。惟有護百萬之生靈入關。勿以資敵足矣。乃整衆西行。化貞與甯前道張應吾殿。後時大兵以東無追逼者。故得緩轡以施。總督王象乾

按臣方震儒在廣甯尙臥未起聞撫臣走亦單騎走  
監軍牛維曜那慎言隨之高出胡嘉棟韓初命隨經  
略走關上惟高邦佐留松山沐浴衣冠向西再拜縊  
死其僕高厚亦從死焉。

高邦佐自縊

高邦佐字以道山西襄陵人萬歷己未進士授壽光  
知縣招撫流移爲山東循良第一入爲戶部主事出  
守永平陞副使備兵天津陞陝西參政丁艱歸服闋  
備兵薊州尋乞養歸會遼事孔棘奉命以參政兼命  
明季北略

卷之二

九

事分巡東甯願經撫不和西酋內訌勢且莫支公不  
得已具文請告已得允而正月二十日大兵渡三  
空河矣廣甯官吏皆遁人多勦公西走且謂請告之  
身何以無死公曰吾一日在事則一日臣子也若偷  
生入關何面目見天下士乃作書與母太淑人楊氏  
訣以匹馬二僕走松山乞援于經略公知必不可爲  
乃親書一紙令家董持信入關其略曰本道奉命分  
巡廣甯家有九旬之母絕裾出山抵任以來飲食俱  
廢意圖肅清迅掃仰報君父不意天不厭亂三空失

守惟有一死以殉封疆。且除西向叩闕。南向拜母。自  
經公署。以明臣節。外所有隨行家童二名。遣還原籍。  
報信誠恐。聞津阻滯。合給印批。遂整冠束帶。再拜以  
印綬。自經。二僕高永高厚。謂不忍主人獨去。無給使  
令。地下者。慟哭爭死。永遂以書付厚。抱公屍呼號。搶  
地。仰就其綬尾。自縊時。大兵且迫。經略命舉火。并  
二屍及公署焚之。未及以馬票給厚。厚年僅十九。有  
武弁盧科感公德。棄家護厚入關。有旨贈公光祿寺  
卿。再贈大理寺卿。諡忠節。賜祭葬。廕一子錦衣。世百  
明季北略 卷之二

十

戶立祠。義僕高永優卹銀二十兩。

羅一貴自刎

叅將羅一貴守西平。大兵攻之一日。一夜不下。砲  
傷六七千人。屍輿城平。大兵夜半布十面雲梯。竟  
不能下。李永芳知守將爲一貴。欲招降之一。貴在城  
大罵曰。豈不知羅一貴是好漢。肯降爾乎。亦豈招降  
旗永芳四面環攻。三進三卻。城中火藥盡。一貴遂自  
刎死。

高出胡嘉棟。韓初命牛象乾。預言時稱。同逃五監軍。蓋三路之敗。亦有五監軍。上命官旗。擊解高出。胡嘉棟來京究問。

附記

西夷以慈爲主。慈之順逆。西夷所視爲向背。王貞初意。虎慈外助。永芳內應。僥倖浪戰。守備不設。不覺墮計。又孫得功。昔居賀世賢麾下。世賢東降。馳書得功。約內應。故對陣時。得功忽分兵二翼退後。讓劉渠當先出馬。纔一交鋒。得功率衆先奔。劉

明季北略

卷之二

十一

兵見後帥奔。亦相奔潰。而渠被敵將哈都刺死。此時大兵尙不信得功等投降之心。是實按兵不進。熊廷弼引兵五千至見廣甯已潰。遂率衆入山海關。以化貞言失在柔而愚。信間諜。輕信遼人。以廷弼言失在剛而懷不爲預備。然化貞匹馬就速百姓遮道而哭。吶喊三聲。廷弼回京聽勅。單騎夜行。百姓若罔聞。知絕無一送。則寬嚴之分。剛柔之別。但御史謝文錦疏曰。廷弼責任雖重。專權實輕。不幸與之兵相忤。繫手縛足。展布無由。雖欲圖回守。

而不可得。化頁意氣既銳。獎戒復多。又不幸有本  
兵爲主言。聽計從所請如意。雖欲不言戰而不可  
得。是二臣之略于辟者實本。兵張鶴鳴致之。且運  
籌決勝。職在中樞。而視詬誶。驕凌漫無定畫。明分  
左右之袒。激成水火之形。以致斷送河西。震撼山  
海。本兵其何辭以解于衆。按熊廷弼號芝岡。楚人  
吾邑鄒迪光督學。三楚拔之。蓋由武入文者也。未  
幾登進士。督學江南。歲試時用封皮二條。將諸生  
目耳及肩封之。使不得左右顧。劣等被笞。有被笞  
而入學者。其待文士嚴酷若此。則御軍可知矣。然  
廷弼本膽氣過人者。宜不畏戰。而反主守。是知彼  
知已能剛能柔。一等人真可將矣。然守定後。載今  
日上。揭明日上疏。與樞撫爭執成仇。未免齒牙過  
利。臺省諸臣復多有隙。崔呈秀又最恨之。廷弼既  
與朝臣多怨。無功誅有功亦誅。止爭先後耳。惟有  
熊印南歸。可免吏議。繼棧豆遂及于難。有以也。諺  
交錫疏云。經撫之罪朝廷自有處分。決不意爲輕  
重。乃幸災樂禍者。欲藉是以報其宿憾。或請速逮。

經略或請速斬經略而撫臣身在封疆若漠然事  
外可不問者。近且欲甘心廷弼而以化貞仍移衛  
鎮。是非至此。頓倒已極。其何以服經撫。又何以服  
天下後世之人。獨此疏爲平心之論。及上命刑部  
尙書王紀。左都御史鄒元標。大理寺卿周應秋。會  
審熊廷弼一疏。就起言從田間起。原議住札山海  
竝無住札廣寧字樣。一躬投一招揭鄒都憲云。失  
地喪城功罪一體難辭。其責公進刑部。是非自明。  
廷弼相爭多時。王紀曰。公不肯進獄。暫到天仙菴。

明季北略

卷之二

三

住一日。請旨定奪。廷弼遂自請詔獄。鄒王云。請過  
王巡撫來。化貞跪下大哭。言經略先不聽我。過河  
大戰。河東寬大可戰。河西窄小難戰。及廣甯危在  
旦夕。經略領兵來救。後竟逃回。此罪歸于廷弼。不  
于化貞也。鄒王云。公必須引罪。還有在朝列珪之  
日。化貞投上一揭。亦一躬而散。熊廷弼審單內有  
云。比之楊鎬更多一逃。比之袁應泰反欠一死。宜  
用重典。以警將來。天啟五年八月。決廷弼傳首九  
邊。

初廷弼在間陽間廣寧。被圍深憂之。方夜飲。忽思  
敵兵益熾。大呼曰。可恨。忽屏後亦云。可恨。廷弼驚  
是甚麼人做聲。屏後亦云。是甚麼人做聲。廷弼命  
左右快去。後面看來。屏後亦云。快去。後面看來。左  
右入視。寂無一人。廷弼曰。好古怪。難道有這樣事。  
屏後亦云。好古怪。難道有這樣事。廷弼曰。待我自  
去。看來。屏後亦云。待我自去。看來。廷弼且走。且說  
聽至屏風。始知銅盆。廷弼曰。這又來作怪了。銅盆  
亦云。這又來作怪了。廷弼曰。快把水來傾掉了。銅

明季北略

卷之二

十四

盆亦云。快把水來傾掉了。水既去。銅盆遂不能言  
。廷弼心疑甚。不能寐。忽報廣甯內潰。王化貞奔至  
云。

遼事一敗于紅旗。催戰而李維翰。逮再敗于馬上。  
催戰而楊鎬。逮三敗于出城。浪戰而袁應泰。死。崔  
景榮。罷。廣甯事。廷弼以控扼山海而罪。其西奔。然  
王化貞一敗。實爲首罪。廷弼但不能收。散卒固守  
甯前耳。惟彼化貞而戍。廷弼始稱乎。尤至于傳首  
九邊過矣。

廷弼號芝崗。湖廣江夏人。軀長七尺餘。少髯。有膂力。能左右射。年二十九。萬曆丁酉。解元。戊戌。成進士。授保定府推官。召入爲御史。特命巡撫遼東。辛亥。督學南畿。中蜚語。歸。己未。杜松等敗。勦。神宗用御史楊鶴言。召公前往宣慰。隨授兵部侍郎。代楊鎬經略遼東。賜劔。以八月初三。受命。整頓年餘。會熹宗立。與中朝議多不合。爲閣科姚宗文。藉退而以袁應泰代之。四閱月。而遼陽亡。上忽思曰。假令熊廷弼在。豈壞至此。召

明季北略

卷之二

五

公爲兵部尙書。且賜手詔曰。汝當念先皇賜環之恩。朕在冲年。遭茲患難。勉爲一出。以全君臣。始終大義。公赴召出關。大司馬張鶴鳴設餞三十里外。冀有所囑。公年擊案曰。今日不得言邊事。鶴鳴由此啗公。迺從患巡撫王化貞。以分公權。職方郎耿如祀主事。鹿善繼皆阻經祖撫。以公負才。使氣內外忌之。遂以五千人守右屯。而化貞兵十三萬駐廣寧。辛酉十月。化貞進兵。壬戌正月。河西陷。一時廷臣胥欲殺公在獄。四年。會楊忠烈劾璫黨人。謂槁出公手。時有蔣應賜

者公門下將也。化貞乘瑞意。諱應賜觀音經。後有圖  
識數語。遂坐妖言棄市。牽及公。越三日。四鼓中。貴族  
駕帖至。公沐浴整冠曰。我大臣也。死當拜旨。豈容草  
草從容就戮。賦絕命詞曰。他日儻拊髀。安得起死魄。  
絕筆歎可惜。一嘆天地白。後輔臣韓爌爲之訟寃。得  
賜歸葬。

毛文龍入皮島

毛文龍。號振南。居錢塘。薦橋忠孝巷。與于忠肅同里。  
萬曆丙子正月十一戌時生。家雖貧。有英氣。虬髯相。  
明季北略

卷之二

六

者。謂必登壇制鬪。善騎射。尤嗜奕。嘗云。殺得北斗歸。  
南友問之。文龍曰。行碁如決戰。對壘若交鋒。個中先  
天深意。誰能悟之。道士道遙于寓西湖淨慈寺。文龍  
問奕道上曰。昔馬融有圍碁之賦。班固作奕旨之論。  
謝安賭墅而秦軍亡。費禕借談而魏敵却。元機不能  
盡述。因對奕。寓兵法于中文。龍頗悟。臨別授天書一  
函。遂曉暢兵機。神宗乙巳仲春。舅氏沈光祚爲兵部  
主事。因思入京。所夢於于廟。夜夢少保示書云。欲效  
淮陰。老了一半。好個田橫。無人作伴。蓋韓信二十七

表  
崇  
文  
明

歲爲大將文龍五十二歲作元戎是老了一半也。臣  
橫有五百人同殉島中。後袁崇煥止害文龍一人是  
無伴也。夢亦徵矣。文龍入京。光祚薦于遼東總兵李  
成梁。補內丁千總。九月兵巡道某考武舉。文龍列名  
第六。遂署安山百戶。陞遼陽千總。三載陞守備。熹宗  
初。經臣袁應泰命造火藥。兩月而辦。加遊擊銜。撫臣  
王化貞招武材文龍入謁。補練兵遊擊。歷仕至此。俱  
由光祚所薦。閱兩月。進呈討羌建功。化貞命往河東  
等處招致遺民。恢復疆土。遣千總張板等四人。兵二  
百。給劄百張。與海舟四號。米五。石。文龍遂經三岔  
河口。行至猪島。地可三十里。廬舍俱燬。寂無一人。止  
永牛二十三。取之。長年李景先。各島頗熟。率勇壯二  
千人。見補千總。至廣鹿島。地七十里。令守備蘇其民  
擒島官胡可實。安撫七百餘人。至給店島。方三十里。  
命千總張繼善執島官任光先。安民二百。至石城島  
地五十里。命張振執島官何國用。安撫四百家。諸島  
官俱南人降清者。次又收復鹿島。長山島。小長山島。  
色利島。章子留島。海洋島。王家島。至彌串堡。文龍上

唾駐軍招集難民歸者甚衆是堡爲朝鮮地過此二  
百里卽鴨綠江乃中國與朝鮮分過江卽鎮江城城  
本中國地萬曆庚申爲大清所取命總兵佟養貞  
以千人居守七月旣望夜文龍率將士九十七人襲  
破之獻俘王化貞奏捷授廣甯都司兼副總兵駐鎮  
江大兵五萬至親往朝鮮借師鎮江復失文龍謀  
擇一島駐軍以截大兵李景先曰莫如皮島大可  
四百里環山峭壁文龍北行五百里至島荒草無人  
多蛇虎悉射殺之遂遷居于中此天啟二年五月也

明季北略

卷之二

六

己而間殺哈都民歸者萬計天啟二年文龍與諸將  
計曰遼東要地惟金州南通旅順口北至三牛坨西  
通廣寧東可圖復此城若得陸拒建州水可運糧倭  
泊遂命守備張盤程鴻鳴等率衆自麻牟島往止距  
海面四十里七月初三四鼓至金州南門各舉火把  
吶喊放砲守兵五百從北門去天明進城安撫居民  
蓋州領兵官佟養性至敗却之閏十月聞大兵將  
渡河調兵三萬統各將陳繼盛許日新等攻牛毛寨  
王賁杜貴攻烏雞俱捷命張盤守金州

袁崇煥守甯遠

袁崇煥號自如。廣西梧州用藤縣人。萬曆己未進士。天啟六年丙寅巡撫遼東。鎮守甯遠。正月初百。日忽報。大兵入邊。初十外。卽至甯遠。以。取倍道疾馳。士馬疲。罷恐。袁兵出戰。皆坐馬佛寺。崇煥與總兵滿桂。趙率教。左輔等。俱閉城不出。須臾圍城。騎可二萬。將鐵裹車撞城。聲轟然。久之。城爲之撼且碎矣。又用狀如雲梯。而高過于城者。擊撞。上以板疲蔽。兵藏于下。掘城垣。墉將墮。以長堦沿石撞下。兵多。夏及攻。旣

明季北略

卷之二

九

久。城基俱成。四龕兵。匿深處。挖掘城上。以石擲之。又不能及。城將破。合城大懼。俱怨曰。立翁爲己一人。累我一城百姓。時有通判某。浙江人。也有智略。急造火藥。不置炮中。勻飾于蘆花褥子。及被單上。捲之。號萬人敵。藥甫成。通判點火。欲試。忽火星飛于鬚上。立刻焚死。萬人敵。着一火星。卽不得生。其利害如此。守者用此。擲于城下。大兵方攻城。忽見被褥徧地。大喜。趨出爭奪。城上望見。卽以火箭硝磺等物。擲于被褥。上火穴。發長之。愈見。火星所反。無不糜爛。延燒數千。

人六兵不利解圍詰李永芳曰汝言此城易破如何若此難攻遂去凡入內地二十日合城百姓大哭拜謝崇煥滿桂等救命之恩二月經略高第報捷崇熈陞僉都御史滿桂趙率教左輔等各陞賞有差順治十五年戊戌八月十日先君子曰予昔在滁州遇椒客自云居甯遠城開肆鼓樓前曾被圍中故熟知其事如此誠他書所未悉也 大兵既歸練兵瀋陽以圖再舉明年六月復攻甯遠滿桂等大戰却之領天臚筆云丙寅正月 大兵數萬渡河其最勁無

明季七略

卷之二

三

敵者人被鐵鎧二重號鍊頭子三至甯遠四百餘里列城六七士馬盡斂入甯遠廿三日 大兵列營城下次日攻東門推堅車薄城車用數寸厚板冒以生牛革藏健士于下鎗鑿壞城十餘里矢石不能萬後擁鍊騎李永芳督陣嚴酷城內架西洋大砲十一門從城上擊還而不停每砲所中糜爛可數里獨城下無以施乃東旁桔槔灌脂綠以鏡藥燃之投下車礮登不得開焚死甚眾籠錦服者十餘人所謂固山牛厚鹿也大兵遂退使死士五十人縋城而下拾矢十

上萬枝見城上大小穴至七十餘而查稍黃厚亦已  
盡危矣哉。人里文龍與曲承思斬七將圍之。

毛文龍安州之戰

文龍居島。聯絡朝鮮。招攜遼庶。時以遊兵出沒海外。  
軍制。大兵使不得深入。山海天啟四年七月初二。  
大兵遣人與龍議和。李永芳致手札言龍在遼族。  
屬未遭屠戮者。盡行優待。誘龍同叛。中分土地等情。  
文龍將。來使暨手札。差官進呈。上加左都督賞大紅。  
蟒衣一襲。銀五十兩。叅將陳繼善。汪崇。李遊擊陳希。  
明季北略 卷之二

三

李鉞時可達王輔朱家能毛承祿程尤都司僉書。  
許武元頭選李鏞張舉各准實授。叅謀葛應賁王命。  
卿加都司僉書。解倭官周世登蘇萬良實授守備。歲。  
運米二十萬。及七年四月。大兵三萬攻郭山。殺朝。  
鮮兵六萬。燒糧百萬。李永芳賀世賢麻城塔等攻。又。  
州文龍遣叅將毛承祿陳繼盛等率兵萬五千赴救。  
便張曉以萬人設奇。自統八千。後應戰于安州。大。  
兵。利退入里文龍與曲承思斬七將圍之。大兵。  
北去。文龍入安州等處安民。回島奏捷。

趙率教守錦州

七年五月十一日辰時。大兵十餘萬騎至錦州城。外四面扎營。分兵兩路輪番交攻西北二面。總督趙率教同總兵左輔副總兵朱梅力督各營將領并力射打砲火矢石交下如雨。自辰至戌死者甚衆。見天墜大星如斗。其落地時如天崩之狀。衆驚恐終夜。大兵至五鼓撤兵。錦州圍解。東行至小凌河扎營。留精兵殿後。是役也大戰三次。大勝三捷。小戰二十。五日無日不戰。後趙率教敗沒于遵化。

明季北略

卷之二

三

魏忠賢濁亂朝政

是時三韓新陷。九邊震驚。外事亦孔棘矣。乃天降殺星。窮兇肆惡。雖正典刑。未盡厥罪。延及申酉之際。奸黨楊阮輩。猶以餘燼亂天下。甚矣逆閹之流禍大也。

忠賢北直河間府肅寧縣人。原名李進忠。木姓。魏繼父。姓李。得寵後。因避移宮事。改賜名忠賢。萬曆四十八年庚申九月初六日。熹宗立。年十六。未婚。乳母容氏。侯巴兒之妻。年三十。妖豔。熹宗惑之。封爲奉聖夫。

人出入與俱時忠賢漸用事私殺司禮監王安于海子然與客氏尙未合及熹宗婚立張氏爲皇后王氏爲良妃段氏爲妃客氏不悅熹宗賞賚無算客氏偶出用入人轎開棍五道避之稍遲輒笞給事朱欽相倪思輝奏之被降江西御史王心一疏救貶三級由是客氏勢益橫忠賢謀結之邀飲六十肴一席費至五百金遂表裏爲奸陞降任意熹宗言動客報于忠賢忠賢告假則客氏留中顧殺心猶未熾也會高攀龍叅崔呈秀呈秀賄忠賢高疏留內不發于是羣小

明季北略

卷之二

三

歸附閣臣魏廣微認姪顧秉謙傳樹阮大鍼倪文煥揚維垣梁夢環俱拜忠賢爲父客氏爲母忠賢聽崔傳阮三人言於鎮撫司設五等刑具夾杉棍杠敲遣校尉點城探聽絲微必報如有所發賞命立盡許顯統掌鎮撫又殘忍第一忠賢以左光斗魏大中欲阻封蔭切恨之阮大鍼曰此俱東林黨每事與公相忤崔傳等遂謀一網打盡矣

點將錄

阮大鍼作繇魏奄指爲東林惡黨

天罡星托塔天王李三才及時雨葉向高天巧星浪

子錢謙益聖手書生文震孟白面郎君莫與霹靂火  
惠世揚鼓上早汪文言大刀楊漣日多星繆昌期等  
其三十六人地煞星神機軍師顧大章青面獸左光  
斗金眼彪魏大中旱地忽律游士任等共七十二人  
天監錄 崔呈秀作獻逆奄指東林黨

葉向高 孫承宗 韓爌 劉一燝 趙南星

楊漣 高攀龍 左光斗 孫居相 李邦華

喬允升 王洽 曹子汁 錢謙益 姚希孟

李騰芳 孫鼎相 文震孟 侯恪

明季北略 卷之二 雷

熊明遇 沈惟炳 熊奮渭 周宗建 王心一

顧宗孟 姚士慎 張振秀 顧大章

又有非東林爲人正直不附魏黨亦一網打盡

孫慎行 鄒元標 韓繼思 易應昌 馮從吾

陳宗器 申用懋 陳仁錫 毛士龍 黃尊素

劉芳 李應昇 張慎言 房可壯 惠世揚

章允儒 劉弘光 蔣允儀 侯恂 游士任

張光前 賀烜 孫必顯 汪始亨 周順昌

候震揚 張愷 劉宗周 柳之麟 劉時俊

解學龍 瞿式耜 鄒維璉等

選佛錄 明哲保身不附逆

孫承宗 蔡復一 董其昌 王洽 申用懋

范景文 鄒之麟 姚十慎 楊朝棟 方應祥

申紹芳 魏浣初 侯恪 姜一洪 張瑋

周訥雅 賀煊 張秀 白貽清 程國祥

彭惟成 餘二十八未錄

魏黨

顧秉謙 魏廣徵 王紹徽 王永光 霍維華

明季北略 卷之二 五

徐大化 周應秋 崔呈秀 閻鳴泰 邵輔忠

楊維垣 倪文煥 阮大鍼 卓邁 李魯生

梁夢環 李蕃 曹欽程 吳淳大 孫國禎

劉廷元 孫杰 劉志選 李春燁 黃克纘

賈繼春 劉廷直

羣小謀陷正人

傅樵梁夢環曰葉向高用徽州門子汪文言為中書  
即可羅織此輩矣忠賢仗許顯純勘文言問楊漣左  
光斗等十七人過職多少文言曰我不認得此俱是

正有賜五刑簡極文言呼天寃死不扳累顯  
純無如之何自爲獄詞以進郎索文言氣絕使無所  
證天啟五年四五月逮楊漣左光斗魏大中周順昌  
化中顧大章等後俱死于獄

羣小封爵

建忠賢封肅甯侯姪魏良卿甯國公世襲孫鵬翼方  
客歲世然衣指罷符顯拔太子太保用爾耕錦養衛  
大然蔭王子露容皆呈恭謹尙書後熹宗疾篤忠賢  
加富國公魏良卿加太保魏明望安平伯加少師魏  
明季北略卷之二  
良剪東安侯太子太保客氏子侯國興擬封伯爵

生祠

江南連撫毛一鷺建魏忠賢生祠于虎止南京指  
李之本建二祠于孝陵之前總督蘇茂相建生祠于  
鳳陽皇陵之次皆具本求主賜額虎非賜曰善惠孝  
陵賜曰仁溥鳳陽賜曰懷德由是紛紛請建真如醉  
如彌矣閩鳴泰建生祠于通州及昌平門一名崇仁  
一名彰德至事何宗聖建生祠于長溝各顯德巡撫  
劉詔建生祠于密雲名崇功其餘載之正史不能悉

錄

稱功頌德

時上書頌魏忠賢功德者不可勝記兵部尚書霍維  
 華奏曰。厥臣茅土尚覺其輕。良卿太師尚餘一級。同  
 年翰林王應熊笑曰。味年翁兩個尚字。想當讓位與  
 他。維華面赤。越六日削應熊等去。鄭芝龍受撫。豐城  
 侯李承祚具本請封魏上公。為王周應秋三十九疏  
 請封忠賢子姪為公侯。伯郭允厚四十疏請給忠賢  
 莊田祿米。薛鳳翔四十七疏請給忠賢第宅鐵券。李  
 明季北略

卷之二

七

審呼忠賢為九千歲。盧承欽請刻黨籍碑示海內。

楊漣

楊漣字文孺。號大洪。應山人。萬曆三十四年丙午進  
 士。授常熟縣尹。贈太子太保。諡忠節。公初為縣令。遷  
 戶禮兵垣。給諫。歷事三朝。以移宮一事為羣小所忌。  
 庚申冬告歸。癸亥起用。陞禮科。歷都御史。見魏忠賢  
 客氏專擅。遂聲罪。首攻于天啟四年甲子六月初一  
 日。有二十四罪之奏。權璫驚怖。累日既乃大泣于上。  
 前云外邊有人計善奴婢且謗皇爺。上云前日有科

道官沈泰立。故事。你如何說忠賢知上意。臣測遂厝  
漣。疏不進。首輔葉素善璫。調停爲姑。不究之旨。南北  
臺省文章。劾忠賢。悉留中。不報。越幾日。二更許。忠賢  
手封墨勅。不由閣。票竟送該科。削漣等爲民。時值苦  
暑。鉏鎖鐵鑄。際如炮烙。都城士民。數萬擁道。攀號。爭  
欲碎官旂。而奪公公。四向叩頭。告以君臣大義。始得  
解散。及至都城。竟下鎖。撫許顯純。問你如何。百倡移  
官。公答云。我只見乾清宮之當靜。皇上之當尊。舊官  
人當避。科天子九卿。科道俱有公疏。至于宮內。處得  
明季北略

卷之二

三

相安不相安。與教諭移官者。不相干。又問云。你如何  
陷皇上不孝。將刑具。過來。公答云。有天日在上。此他  
明心堂。不要改作昧心處。又問大計事。公答云。大計  
時。我在家。我在京時。未遇大計。如今考選諸人。現在  
何不拿來對審。又問熊廷弼贓事。公答云。遼陽未敗  
時。誠尙募上。泰疏。豈既失廣甯。而反爲營脫。試問廷  
弼。原招。曾改輕半字否。又叫加起刑來。公云。加甚麼  
刑。如今有死而已。許顯純密承璫意。異刑酷拷。肉綻  
骨裂。坐臆二萬五日。一比髓血飛濺。死而復甦。許顯

繩竟將頭面亂打齒頰盡脫鋼針作刷遍體掃爛如  
絲。罵不絕口。復以銅錘擊胸脇骨寸斷。仍加鐵釘  
貫頂。立刻致死。時七月二十四日也。是夕白虹亘天。  
揆延七日始得領埋之旨。隨行昇櫬田爾耕。又復使  
人劫去赤炎蒸暴。蛆蠅填集。止存血衣數片。殘骨幾  
根。以惡木殮之。老僕比賊身死。三歲幼弟驚死。親戚  
朋友填滿囹圄。家貲產業。藉捲掃蕩完贓。至崇禎元  
年始得贈謚子廕國子監生。子名之易。

移宮一案

明季北略

卷之二

完

泰昌八月初一日登極時。公在兵科。近瞻天顏無病  
容也。初四聞不豫。初八日病甚。十一日固欲出見羣  
臣。則神采大可駭矣。長安傳聞某日鄭妃進。姬侍入  
。帝疾甚。駭聞鄭固時侍帝側。命內醫崔文昇進藥。  
藥固下痢劑也。帝一晝夜近三四十起。遂支離床褥。  
間鄭同選侍。日以看視為名。邀有封太后旨。諭內閣  
。方從哲登禮部少宗伯。孫如海疏請收。成命時。公署  
禮科印務。將疏論門人徐養量止之。至十四日。有鄭  
王二皇親。遍謁台省。泣懇官禁危狀。謂帝勢必不起。

鄭貴妃與李選時日子帝左右一圖太后一圖后  
晚熹宗附己勅以先帝要封太后此時兩婦蓋環弄  
兩朝于股掌之間矣。諸宮侍俱不得近并傳熹宗時  
時向人泣謂皇爺素固健甚今諸奴捉弄如此如何  
了此十五日御史左光斗會議請諸大老約貴妃姪  
鄭養性禮請貴妃移宮十七日上召閣部科道入曰  
幾夜不得睡日食粥不滿盞十九日公從大臣再問  
安後則聞頭目眩暈身體軟弱不能動履之旨矣二  
十二日大臣入上曰朕在東宮飲食不調至今四五  
明季北略 卷之二

三

月始愈登極後勞着些又未得靜一靜今大病服藥  
無效閣臣劉一燝孫宗伯言及封李選侍儀注上曰  
是事朕有年生育多伏侍久二十六日再召上音吐  
猶亮二十九日甲戌召見則曰朕難了國家事卿等  
爲朕盡心分憂與朕輔皇長子爲堯舜之君又曰朕  
壽宮要緊大臣共對曰聖壽無疆何念及此適內帷  
幔中一小監從上耳語搖手不應忽一穿上紅婦人  
張手從光宗前掖熹宗入嘈嘈者久之熹宗滯帷幔  
間若推之出熹宗失色忿向光宗曰皇爺爺要封皇

后我等爲上請急或悞也是日凡三召見賜諸臣酒  
飯李可灼進樂九月乙亥朔五更帝崩公從大臣趨  
乾清宮守闈者將挺固阻不容公大罵奴才皇帝召  
我等今日異駕皇長子小兒們據住門不容宰相入  
意欲何爲闕者卻乃入哭隔請見今上上久不出再  
四請乃得見其呼萬歲諸臣請初六日吉登極因奉  
上詣乾清宮門首諸臣請到文華殿受諸臣三呼禮  
畢導至慈慶宮頃奏事中宮公擁上行交付輔臣劉  
一燝捧左手英國公張惟賢捧右手前到中宮諸璫  
明季北畧

卷之二

三

從寢閣內出者共喝你們拉小爺那裨走急請回宮  
上小害怕固欲奪上入公亦喝之曰胡說殿下是我  
等王我等是殿下臣子四海九州都是臣子殿下怕  
甚麼其擁上行過乾清宮門西向坐諸大臣叩頭慰  
安因請登輿擁到文華殿上仍西上坐諸臣行五拜  
三叩頭禮嵩呼畢擁入慈慶宮劉一燝奏曰乾清宮  
尙未淨請殿下暫居此令李選侍出宮訖乃歸乾清  
宮公出與左光斗太宰周嘉謨語李選侍無恩無德  
之故必不可令上同居周乃草移宮公疏初四日既

得旨而選侍聽李進忠謀必欲掖上母子同宮且欲垂簾稱制有中使來公曰選侍移宮否其人荅曰莫講移宮了母子一宮好如何要兩處住李娘娘惱得狠今日請小爺講明白回任并欲問左御史武氏之言是如何說公曰殿下在東宮是皇長子今日皇帝選侍非太后如何召得皇帝選侍順旨移宮後日等我輩與他奏請封號若抗據未便怒目視之其人還傳聞至初九十二始移宮公急促相臣方從哲日聖上明日登極矣無復住東宮禮相公當上揭急促移

明季北畧

卷之二

三

宮方云到初九十二也罷公曰但苦上無住處如到乾清宮前日以李在而出今日仍在而入上何如前日不出方日就在東宮住任無害公曰前日以皇長子而就太子之宮可明日爲天子矣世間那有天子選宮人之禮且此乾清宮自祖宗相傳是天子之居卽聖母在止當居坤甯宮太后居慈甯宮選侍何人而居乾清宮不移耶時諸噤中有言先帝舊寵從容些也罷公曰諸大臣是受先帝顧命者先帝是欲先顧其子豈有先顧其嬖賤之理便請選侍到九廟前

去註汝是食先帝飯的是食李鄭二家飯的須抬我去殺了便罷不則今日不移宮死不出也聞李進忠盜承應庫銀幾盡是必欲盜盡乾清宮之寶乃已耶爭論聲徹帝座上遣中官傳旨移宮李卽移宮李進忠劉遜劉朝等并以盜藏被緝明日上乃正乾清宮升殿陝西撫臣奏黃河清五日

予按鄭貴妃慧人也神宗寵之生福王李選侍鄭黨也光宗寵之當光宗登極鄭李進美人等遂致不起光宗崩李選侍猶居乾清宮欲與熹宗同居邀封后垂簾稱制而楊左等以選侍素無德又非生母嫡母與養母恐有武氏之禍必欲令選侍出乾清宮不與熹宗同居監議甚正未免稍激遂爲羣小所忌而禍自此始矣

### 周順昌

周順昌字景文號蓼洲吳縣人萬曆四十一年癸丑進士授福州府推官考滿擢吏部主事吏有以人參湯進公酬之金戒勿再進嘗推一大僚失要人意遂引歸時逆璫日熾巡撫周起元以忤璫削籍公爲贈

言指斥不諱嘉善吏科都垣魏大中被逮道經吳門公過之以女字其孫奉酒炙相持慟哭流連三日且云大丈夫視死如歸幸勿爲兒女牽懷使千秋而下知有繼楊椒山而起魏某亦不負讀書一場所可恨者椒山爲權相所害公爲權璫所害又有些不同處然而忠臣無二道止行其所志可也且晉魏忠賢鷄狗而別臨行云適聯姻語小弟決不食言周順昌是箇好男子老先生請自放心乃去被尉俱聞其言倪文煥疏劾公不應與罪人結婚因言署選時受賄不

明季北畧

卷之二

十四

可勝數至張家灣舟爲之沈不知公取道中州歸裝僅二擔而已。䟽出聞者咸唾罵然公竟落職。而璫怒未已公對人語刺刺亦未已也。天啓六年丙寅蘇杭織造太監李實欲得忠賢歡迺借織造事以欺君。茂旨恭誣諸臣奉聖旨周起元有違明旨擅減袍段數目又措勒袍價以致連年誤運且托名道學引類呼朋各立門戶一時逢迎附和。有周宗建。繆昌期。周順昌。高攀龍。李應昇。黃尊素。盡是東林邪黨。與起元臭味親密。干請說事。大肆貪婪。吳民恨深。切齒除周宗

建繆昌期已經遠解外其周起元等五人。都着錦衣衛差的。當官旂扭解來京。究問李實仍安心供職。該部知道。此三月忠賢所捏旨也。錦衣衛掌堂田爾耕遣官旂張應龍文之炳等六十餘人。分拿公等十五至蘇州吳縣。令陳文瑞公所拔士也。夜半叩戶求見。撫牀而慟。公曰。吾固知詔使必致。毋效楚囚對泣。乃悉召故人與決別。而夫人吳氏號泣昏迷。絕而復甦。者再諸子環地而哭。聲徹街市。公不顧神色。自若臨行。妻舅庠士吳爾璋曰。昔范司諫囑于數語。千古酸鼻。君獨恻然長往乎。公笑曰。無事。亂人懷也。顧左右有一素榜曰。此龍樹菴僧屬書者。向已許之。今日不丁亦一負心。乃呼筆題小雲樓三字。字大如斗。體法遒勁。復書周順昌題并識年月。日投筆而起。意氣浩然。甫出門。百姓號冤聚送者已數百人。公因服小帽詣軍門。士民聚益眾。巡撫毛一鷺。浙人也。檄有司數易置公。母使發聚益眾一日。四五遷然遠近聞風。相繼至愈多。皆言吏部清忠亮節。何罪而朝廷遽之。相守至昏夜。猶不散。且則復聚。自十五日至十八日。甚

明季北畧

卷之二

三

通國皇皇也。開讀之日。郡中士民送者數萬。相聚謀乞兩臺。懇其疏救。于是皆執香迎順昌于縣署。號聲振天。縣官馬不得行。日午至西察院。諸生五百餘人。公服立門外。頃巡撫毛一鷺。巡按徐吉至。百姓執香伏地呼號之聲如奔雷。鳴川轟轟不辨一語。諸生王節揚。廷樞。劉曙。鄭敷教。劉羽儀。文震亨。殷獻臣。王景華。袁徵。朱隗。沙舜臣。王一經等。乃迎兩臺于門。痛哭而陳。日周詮。部清忠。端亮。輿望久歸。一旦以觸忤權璫。遂下詔獄。百姓怨痛萬心。若一明公爲天子重臣。明季北畧卷之二

美

何以慰洶洶之衆。使無崩解之患。言訖。諸生皆慟哭。一鷺流汗被面。惴惴不敢出一語。旅尉文之炳等妄自尊大。不察民情。持械擊百姓。且厲聲曰。東廠嚴旨。逮官迺容鼠輩置球。百姓顛佩韋等聞之。還問曰。而言東廠逮官。則此旨由魏監耶。諸旅虎面豹聲曰。速刺若舌。旨出東廠。將何如。佩韋等不勝憤。振臂大呼曰。吾輩謂天子詔耳。東廠何得逮官。首擊之。炳百姓從者千許。以傘柄擊緹騎。諸生皆驚避。毛一鷺恐怖失色。急請兵自衛。與徐吉散去。兵備張孝太守。飛真

陝西人。甚得民心。再三曉諭。至夜分。百姓始漸散。從尉李國柱死。餘或匿斗拱間。或升屋走。因得全。公立不動。請就獄中。當事者命宿署中。是日城中正沸。而錦衣逮黃尊素者。由吳入浙。泊舟胥江。罕知也。登岸揚揚。凌轢市民。一人偏袒呼曰。是何得縱。一招而擊者雲集。遂沉其舟。焚其衣冠。所得輜重悉投之于河。諸旂僅以身免。始知城中有變。踉蹌而逃。曰東廠誤我。越二日。民情稍定。公謂所知曰。今我赴都必死。死則訴高皇帝速。亟元亮以清君側之惡。君等他日爲明季北畧

卷之二

七

我作忠臣傳可耳。乃以三月廿六日。黑夜潛行。遠郡城百里。于野次宣讀矯旨。防民心憤憤生變也。自是旂校相戒不敢復出。故有本處撫按起解之議。公至都。下獄對簿不屈。強坐臧三千。卽欲殺公。天意示儆。火起王恭廠。奉旨停刑。六月酷暑。復五日一嚴比。公大罵許顯純。顯純將銅鎚擊公齒。齒俱落。公猶極罵。噴血于顯純面。遂死。明年逆璫敗。追贈公太常寺卿。蔭一子諡忠介。如雷長壽間。史氏祖述。因書全公。公下獄。生員主節劉羽儀。王景臯。殷獻臣。沙舜臣。五

人黜退而顏佩韋楊念如沈揚馬傑周文元五人下獄。太守寇慎歎泣語司獄曰。此俱是仗義人。不須拘禁。卽家屬送飯亦不可阻。至十月公柩至閩門河下。馬傑云。周吏部忠臣已死。速殺我等去。輔彼作厲鬼擊賊。顏佩韋云。上本是毛都堂。今本下生殺在彼。我輩殺了先去尋他。毛聞之大怒。適報陞兵侍。卽委理刑。斬五人于閩門吊橋。時顏佩韋等四人俱不畏。獨周文元本輿夫。大哭。馬傑笑曰。大丈夫譬如病死。與草木同腐。今我等爲魏賊惡黨所害。未必不干載留。明季北畧

卷之二

三

名去。去時法場上觀者數千人。佩韋笑謂衆曰。列位請了。我學生走路去了。歿後五人爲神。蘇人有疾必祭賽之。毛一鷺嚴州遂安縣人。一日在家對客讀邸報。忽見五人來追。默然入內。客訝之。已而聞內哭聲。一鷺大叫一聲而死。虎丘東有石墜于道旁。題曰五人之墓。或謂狀元文震孟書也。墓門額云。義風千古。乃解元楊廷樞筆。墓內碑云。顏佩韋等。至今莫不稱之。康熙二年癸卯季冬十八日。予過而欲謁之。以門扁不得入焉。

附魏大中

大中浙江嘉興府嘉善縣人。萬曆丙辰進士。吏科給事中。家貧如洗。相臣魏廣微欲認爲兄。大中不許。遂忤。及大中被逮。北門登舟。子大哭。公曰。不須哭。自古云。死生有命。爲臣死忠。爲子死孝。亦是分內事。哭亦枉然。竟開舟去。子學伊聞死。孝語。遂欲從公北去。改姓而行。七月七夕。公到京。卽下鎮撫獄。次日提楊漣。左光斗。六君子等各打四十棍。拶敲一百。夾扛五十。獄成追贓。七月十三。比起楊漣。

明季北畧

卷之二

三

鬚俱白。五日兩限。御史張訥請廢天下講院。鄒元標。孫慎行等俱削籍。一切書院盡行拆毀。變價入官。七月十九。比用全刑漣等。大號卻無回聲。光斗聲啾啾如小兒啼。公體弱伏地受刑。竟似木人。叫不出矣。周朝瑞顧大章二十棍。拶敲五十。袁化中亦拶敲五十。許顯純令收監。公與家人曰。我十五日已後。止可飲冷水一二矣。急買棺。二十日楊漣家人送飯於茶葉中。雜金屑。送入。被獄吏搜獲而去。自此楊竟無人侍矣。二十一楊左用全刑。公被

三十棍。周顧二十棍。袁病免。二十比楊左與公俱用全刑。顧拶敲五十。周袁免。是夕將楊左與公俱令發大監使獄卒葉文仲俱討氣絕。獄中謂死者爲壁挺。二十六日公死。二十七日顧大章二十棍。八月十九袁化中死。周朝瑞帛曳死。九月十五顧大章自縊。六君子俱死。

方逮周順昌等時。田爾耕邏執遊方僧本福。有詩扇爲揚州知府劉鐸所書。譏刺時事。卽逮劉鐸殺之。

明季北畧

卷之二

四

補前許顯純勘汪文言羅織十七君子姓氏

趙南星

楊漣

左光斗

魏大中

繆昌期

鄧澐

袁化中

惠世揚

毛士龍

鄒維璉

盧化鰲

夏之令

王之霖

錢士晉

徐良彥

熊明遇

施天德

初顯純問文言過贓多少。文言甯死不扳顯純無如之何。因採楊維垣徐大化所奏誣本云。熊廷弼之緩獄。皆周朝瑞黃龍光顧大章受賄使然。并趙南星等十七人。皆汪文言居間通賄。紊亂朝政。本

上卽將文言討氣絕。使無所證。顯純疏今日。上明日卽傳內旨緹騎四出。逮楊漣等。

左光斗

左光斗字共之。號滄嶼。桐城人。萬曆三十五年丁未進士。授中書舍人。選入西臺。及考選命下。進中丞。嘉宗初。鄭貴妃李選侍皆請后封。公于九月初一日隨上移宮。停封。疏選侍怒。旣而移一號殿。公遷大理丞。晉少卿。踰年拜都察院左僉都御史。時趙南星爲冢宰。而羣小錯愕。乃借勢于魏忠賢。附進百官圖。某宜先驅。某宜後擊。某宜正射。某宜借攻。布置已定。時公已草忠賢廣微三十二斬罪欲上。竟爲家奴福生洩露。矯旨削奪。公歸。通籍十八年。橐如洗。自分爲權奸所忌。萬無生理。苦無計以白老親。乃命小奴扮椒山寫本赴西市數曲。暗解封夫人。夫人心知之。嘗爲母夫人說滂母故事。母夫人亦爲強顏。諸逆璫借移宮逼選侍。受熊廷弼賄。悞封疆爲罪端。矯旨下逮。緹騎至桐城。公神氣坦然。惟私語子弟曰。父母老矣。何以爲別。及妻子環泣不顧也。勉其子弟讀書爲善。里人

數千祀神欲擊緹騎。公力止之。曰是速我死也。檻車出郭。諸父老子弟遮擁號天。頂香拜禱北闕。復拜緹騎。緹騎亦爲涕泗。又密約數百人伏闕上疏。公譬以利害。至黃河始反。公至京下鎮。撫拷訊身無完膚。坐贓二萬。卒之夜。長虹亘天。里中星隕。光灼灼大如斗。三日屍出。肢骸穿裂。面目如生。是舉也。兄光霽累死。母夫人哭死。弟光先光明萬險幾死。諸生就繫者十。二人赤族之訛。一日數十驚變。產完贓不滿千餘。合親兄弟輩入產不滿萬餘。株連同堂同宗。以及三族。

明季北畧

卷之二

三

十族無一免者。固圉填滿。流離載道。始充二萬之數。思廟登極。詠逆璫。下詔優卹。初贈右都御史。廕子入監。予祭葬。再贈太子少保。予三代誥命。士民合請廟祀以風世。吳中諸當事捐助有差。

高攀龍

高攀龍字季車。天里中。吳興人。嘉靖進士。公

高攀龍字存之。號景逸。無錫人。萬曆十七年進士。公登第旋丁嗣父憂。服闋授行人。自盟曰。吾子道未有所見。但依獨知擔負。庶幾深造。適僉事張世則疏詆程朱。欲改易傳註。上所著書求頒行天下。不勝憤。上

崇正學闡異說一疏。報曰高攀龍所言有關世教。尋論大本大機。語極剴切。高邑方在銓部。其相確證。深味河東粹言。謂約而且精。當字字體貼。孫立亭爲司寇。相見勉以力學。且言律爲世用。本因加意律學。作日省編。謂讀書意思不進者。尊德性工夫少也。率以半日靜坐。卽出遊公會水邊石上僧房。皆其默默齋心處。五更氣清。尤自提策。忽思閑邪存誠句。覺得當下無邪。渾然是誠。又覺得覓誠卽邪。存之卽是。舊字雲從。因以改焉。奉使金陵。鄒南阜在刑部。各言所志。

明季北畧

卷之二

望

期以最上工夫。送朝感時事。上君相同心。惜才遠佞。疏。侵閣臣。下部院會議。聞之坦然。顧端文曰。亦覺未至。此意須當自得。公深服其言。旣議上。降雜職。尋調極邊。涇陽亦以言事黜矣。甲午公赴揭陽典史舟中。嚴立規程。只于靜中着力。當心氣澄寢時。有塞乎天地氣象。所經奇峻山川。險絕灘頂。一一悅心。當境皆爲我助。過汀州。坐旅舍。一小樓甚樂。手二程書。至萬變俱在人。其實無一事句。猛省曰。果無事。從來牽纏。俄然斬絕。抵官勤職事。課農。集諸子要語刊示之。邑

令爲同年。佐其不逮。除一克人。署事三月。覓差歸與涇陽修東林書院。集吳越士會其中。一依白鹿洞舊規。每會拈出大旨互證。要歸于端。居士靜。四十年攻苦。確然可自信。兩朝以次起用廢臣。神宗四十八年庚申。召拜光祿寺丞。熹宗元年辛酉。進光祿少卿。上戚畹鄭氏疏。轉太常少卿。又轉太僕卿。時方從哲鄭養性之黨。且憤且懼。竊竊以東林爲言。將注其毒。京師建首善書院。鄒南阜馮少墟兩中丞。率同志所闢福清葉公爲之記。稱一時盛事。給事朱童蒙疏。詆大

明季北畧

卷之二

四

約歸重東林。踵而歸者甚衆。兩中丞皆辭位去。公亦疏辭。福清留之。明年差歸東林如故。日宦情秋露。學境春風。是可決擇矣。無何晉刑部侍郎。還朝。公旣入臺。首糾極貪御史崔呈秀。奪官勘贓。呈秀遂投逆璫。言曾糾陶朗先。高攀龍。曲庇。借事執仗。于是朗先直追贓四十八萬。而公等盡逐。呈秀復用。明年乙丑。毀書院。殺楊漣等十餘人。至丙寅三月十六日。逮公。官旂擬于十八日開讀。而公先于十七日謁道南祠。有別聖文。歸看花後園。呼諸子舉原無生死四字以示

曰急料理爲出門計。獨身就理。可免他累。作字二紙。示兩孫無先發。明日以此付官旂。時已三更。命妻子暫退。移時諸孫推戶入。不見公。發所封。乃遺表也。諸子急徧視。則赴水死矣。思廟初。歷贈至兵部尚書。諡忠憲。光祿寺少卿。高攀龍。疏言。戚畹鄭氏。并其昔日所用之人。皆奴酋奸細。近且訛言入于大內矣。往者張差謀逆。實係鄭國泰主謀。劉保謀逆。實係盧受通謀。受亦鄭氏之私人也。自張差劉保先后伏誅。凡謀必敗。敗必死。而人心積疑不解。宜令養性。速歸湖廣。明季北畧

卷之二

聖

原藉。至李如楨一家交關鄭氏。陷名將。殺百萬軍民。失千里土地。禍延至今。且與李永芳約爲內應。所當亟正典刑。以除禍本者也。崔文昇當先帝哀痛勞瘁之日。故用泄藥。是明以藥試也。陛下卽不誅夷。僅止斥逐。今且潛伏京師。意欲何爲。亦當亟正典刑者也。乞早正逆謀之罪。

都御史高攀龍糾劾貪污御史崔呈秀。部議革職。回籍。透支銀數。下撫按勘之。呈秀奉命。淮揚貪污可鄙。盜以賄釋。犯以賄免。出巡每有節省之費。透支至一

萬四千兩。各縣賂補甚苦。其薦運同談天相。樊尙燦。劉大受。旋而羅列其贓私。又薦霍丘知縣鄭延祚。吏科給事魏大中。又發其餽遺禦貨。攫金播間。壟斷一身兼之。公因其回道者。察劾之。以洗巡方之耻。遺疏云。臣雖削籍。舊屬大臣。大臣不可辱。辱大臣則辱國矣。謹北面稽首。以效屈平之遺。君恩未報。願結來生。臣高攀龍垂絕書。望使者特此以復皇上。

無錫庠士華時亨。字仲通。會元拱芳之侄也。時官旂已至蘇州。尙未開讀。時亨密聞之。卽報于公公。

明季北畧

卷之二

吳

遂赴圍池死。而旂尉以顏佩韋等事過期不至。衆疑時亨誤逼大臣。咸慮之。俄而緹騎果至。始服時亨聲氣之廣。名遂大著。

公有兩蔭。兩子各得其一。長名世學。字伯禎。次名世儒。字仲叙。世儒以家窘先受職。辛未爲都察院經歷。然公所贈宮保。誥勅尙未領璽。及丁丑。攜之入京。蓋誥勅用寶。年只兩次。三月二十五。九月二十五也。于未近三九月得者。每每領歸無璽。亦容得補世儒至京。以誥勅遽入內閣請寶。八月初一。

日忽內寺二十人至寓索持詔勅人謂有萬世一人句在內且字亦逾千非誥體旨責撰勅官常熟許士柔降三級世儒亦降三級乃爲五城兵馬吏目不然擢部屬矣嗚呼璫之流禍甚矣哉

### 李應昇

李應昇字次見號仲達江陰人萬曆四十一年進士授南康府推官陞御史疏論魏廣微有閹臣負罪愈驕謹平心叅駁以折克鋒疏疏論魏忠賢有罪璫巧于護身明主不宜分過疏大觸逆璫矯旨以緹騎逮

### 明季北畧

#### 卷之二

聖

公公卽行至府驛中見驛亭有方壽州所題詩泣下乃賦一絕云君憐幼子呱呱泣我爲高堂步步思最是臨風淒切處壁間俱是斷腸詩夜不能寐作詩別契友徐時進并託死後作傳詩云相逢脈脈共淒傷訝我無情似木腸有客衝冠歌易水不將兒女淚沾裳第二絕云南州高士舊知聞如水交情義拂雲他日清朝好秉筆黨人碑後勒遺文時徐元修送行而公夜起作此四月公抵京下鎮撫司拷掠追贓閏六月初九日遺書誠其子詩曰白雲渺渺迷歸夢春草

淒淒泣路岐。寄語兒曹焚筆硯。好將犁犢聽黃鸝。明日乃死于獄。崇禎登極。初擬諡忠愍。又擬忠悼。

### 繆昌期

繆昌期字當時。號西谿。江陰人。萬曆四十一年進士。以庶吉士授簡討。主湖廣鄉試。充纂修兩朝實錄。晉理詰勅。經筵展書。陞左春坊左贊善。建德王府冊封。陞左諭德。冠帶閑住。

公自述云。余諸生二十餘年。鄉舉十餘年。不營產業。公車之費不貲。家日益挫。至癸丑。無以治裝。謀之虞明季北畧。卷之二。

哭

山諸友得三十金以行。倖博一第。八月館選。得第七人。同年有不得者。倡爲金沙薦舉之謗。而東林之目自此始矣。金沙者。于時菴玉立也。時方爲彈射。故其人以此孽予。予曰。顧涇陽先生知我。以小友進我。我真東林也。余貧不能徵。逐飲食。僻不能輯。輜侯門。主家二。三少年。且惡且厭。余日坐鍼氈也。至乙卯五月。而挺擊之事起。其事有心者所共知。夫光廟之在東邸。僕御不設。一妄男子闖入如無人之境。兩三老璫。盡氣力抵賴。天之靈宮。廷無恙。光廟差闖韓本用告。

變于上。其辭曰：皇爺可憐。此抄報所其傳也。旨既下，部擬依違，連朝不決。而提牢之疏始上，上爲心動。猶豫不發者十餘日，乃得聖諭于瘋顛之下，特加奸徒二字。又有奸究叵測，行徑隱微之語。聖心曉然，有當于提牢之疏矣。義典三疏，詞嚴義正，上赫然御慈寧，置三犯于理，人心帖然。服大聖人之舉動也。余故語人曰：一柱史以瘋顛二字出脫亂臣賊子，一柱史以首功奇貨四字抹殺忠臣義士。此語傳而倡瘋顛者，恨不剗刃其腹矣。于是有工叵劉文炳之指摘，予遂

明季北畧

卷之二

完

歸杜門，卻掃灌園課子，頗自夷猶。時丙辰歲也。又五年，光廟登極，不無利見之想。而夜得一夢，方塌壓中途，忽聞晏駕，因痛哭伏地不能起。覺而淚痕猶在面也。明日得報，遂有鼎湖之泣，異哉。上登極，余三月抵都，補故官。時遼陽陷沒，洵惘惘。舉朝失措，而海內巖穴起廢之士，日漸以集。每朝會，束手相歎而已。六月有楚闡之役，一論遂犯深諱，禍自此種矣。壬戌十月九日，轉左春坊左贊善，往河南冊封建德藩。二月，還里舍，栖遲者一年。甲子二月，還報。及楊應山疏上。

予適過福唐。福唐曰：大洪這疏亦太容易。彼其人于上前時有匡正。一日有飛鳥入宮。上乘梯手攫之。其人挽上衣不得。上有小璫賜緋。叱曰：此非汝分。雖賜不許穿。其認真如此。恐大洪疏行難再得。此小心勤慎之人在上左右。予曰：誰爲此說。以欺老師可斬也。福唐色變。予出其語聞于應山。應山頗憤。福唐間以書辯。未嘗詆大洪之短。而含怒于予。初應山疏上。福唐亦密具一揭。以准其退歸。揭入大拂內。意福唐懼。思有以自解。乃揚言此揭非我意。乃我門生所迫也。明季北畧

卷之二

五

而流言自此起矣。且謂應山之疏出于吾手。而忌者附會其說。益不可解。當左魏之被言也。閉門閤寂。示時時過慰之。趙高陳楊左魏等之逐也。長班謂我勿送。我曰：人被逐。我不送乎。明知爲訶者。所得予勿送也。南彖之推。有小璫到閣。厲聲曰：此人還留他送客。遂閣不下。越數日。請告傳旨。閒任抵家。而趙南星等十五人俱削籍。提問追贖之旨下矣。辛壬之際。應山家居。見宮府可異。不勝憤惋。輒推案起曰：吾必請誅。此奴以報先帝癸亥之出。托少子于其執友御老母。

以行。然䟽之上也。桐城實贊決之。而示幾微于我。我  
荅非可草草。夫擊內者只爭呼吸耳。一不中而禍隨  
之。況今日內無永外無文襄。可幾倖乎。桐城默然又  
三日。適應山方注籍。心疑之。䟽上而逆知有今日也。  
何也。有代草之說。而安得免乎。未幾果緹騎促公加  
酷刑殺之。

### 周宗建

周宗建字來玉。號季侯。吳江人。萬曆四十一年癸丑  
進士。初授武康知縣。陞福建道御史。巡按湖廣。及公  
明季北畧。卷之二。至  
入臺。卽劾客氏。客耽魏而歎。旁有聞者拍手舞。謂生  
富貴乃在此。謀中之。傳旨杖八十。壬戌秋。京師久旱。  
聖上祈禱。忽而雨。繼以雹。人以聖德格天稱賀。公獨  
謂雨後大雹。殊屬災異。因䟽魏忠賢。且不識一丁。豈  
復諳其大義等語。忠賢大恨于文華殿。詈罵。摘一丁  
不識兩語。罷詬聲達御聽。初擬杖。葉向高婉解之。三  
擬杖。而三免。最後與郭鞏。鞏訐奏復侵忠賢。是時猶幸  
福清諸臣在事。止于奪俸。及其按楚。又劾馮銓之父  
馮盛明。銓甚恨焉。曹欽承乃銓之私人。亦搆之。義子

誣以無影之事。遂至詔獄。許顯純訊問。時筆楚較衆。更毒公偃卧不能出聲。前朝下獄。縉紳尙以優待。至此顯純坐鎮撫堂。張拳睜眼。以犬豕罵之。曰。此時尙能說老爺不識一丁否。大獄既成。御史王心一詣朝房。以公議責銓。欲其開釋。銓聲色俱厲。曰。宗建不宜言。郭鞏通內心。一含淚而出。璫命釘以鐵釘。不死。復令着錦衣。而以沸湯澆之。頃刻皮膚捲爛。赤肉滿身。婉轉兩日而死。追贓數千。一貧如洗。府縣爲某立簿募緣。未了其半。思廟立蠲其坐贓。仍給五百金。以昭明季北畧。卷之二。 五

憫。卹贈太僕寺卿。瘞于庭。祔入監。讀書。

### 客魏毒害諸妃

光宗選侍趙氏。與客魏不協。矯旨賜死。裕妃張氏。方娠。膺冊封禮。客氏譖于上。絕飲食。閉禳道中。飢死。成妃李氏。誕二公子而殤。先是馮貴人勸上罷內操。客魏惡之。矯旨賜死。成妃從容爲上言之。乃革封。絕飲食。成妃鑿裕妃飢死。密儲飲食壁間。數日得不死。客魏怒稍解。斥爲宮人。皇后張氏素精明。客魏憚之。后方娠。客氏密布心腹。宮人奉御無狀殞焉。又于上郊

天之期掩殺胡貴人以暴疾聞

魏忠賢怒張后

順天府丞劉志選劾后父張國紀上下旨切責后賢明客氏忌之上幸后宮顧几上書一卷問何書后曰趙高傳也上默然忠賢怒次日伏甲士于便殿上拽得之送殿衛忠賢誣后父謀立信王欲興大獄王體乾日上凡事憤憤獨于兄弟夫婦間不薄脫有變吾輩無類矣忠賢懼乃殺甲士以滅口

異人歌

明季北畧

卷之二

七

先是天啓初年有道人宿朝天宮日歌市中曰委鬼當朝立茄花滿地紅蓋指客魏也未幾其言果驗

辛酉七年紀異

天啓元年辛酉二月初三日遼東日暈兩傍有耳如月狀內紅白光焰閃爍倏如玉環其大竟天并日暈形影如連環狀如西南東北面復各有形如日但其色慘淡如月之在籠其日暈之上大圈之中約有光彩數十丈青紅如虹狀忽如人形又似刀形弓形者二皆外向與日光相背自辰至午方散翼日淮徐地

震屋瓦皆動。見撫按疏。

二月初一鞏昌府會甯縣寡婦關氏夜夢綠袍人借宿。次日家有黑牛產犢。遍身鱗甲。乃麟也。其聲與牛不似。至初三日沒。

二年壬戌九月二十二日陝西臨洮地震。搖倒房屋。壓傷民命。

十月初九日午時。開封府禹州紫金里有大隗山。離城四十里。有大鳥。高六七尺。渾身綠毛。頭上豎毛一撮。集于山。卽有大小羣鳥。不計其數。俱來相隨。四面明季北畧卷之二

焉

旋繞東西。占三里長。南北一山。遍集。十二日申時飛去。各鳥仍隨之。人俱指是鳳皇。

三年癸亥四月初六日雲南洱海衛地震。三次。初七。十二日復大震。三次。如雷。房舍俱倒。大理府亦然。北來南去。有聲如吼。時旱魃爲災。十二月乙丑二十

二日丁未申時。應天府地震。聲如巨雷。爾箇時方止。常鎮揚泰州俱然。搖倒民房無數。壓死多命。

陝西鳳縣山村。有能飛大鼠。食五穀。狀若捕雞。黑色。自首至尾。約長一尺八寸。橫濶一尺。兩旁肉翅。腹下

無足。足在肉翅之四角。前爪止有四。後爪趾有五。毛乃細軟深長。若鹿之黃黑色。尾甚豐大。人逐之。其去甚速。若覺能飛。特不甚高。破其腹。黍粟穀豆飽滿。幾有一升重三斤。

四年甲子二月二十八日。天黃日淡無光。次日亦然。見日旁有黑日。盪磨是晚。聞空中叫嗥如千軍萬馬突臨之狀。又若萬砲競放。聲震天地。舉邑驚惶。時從蘇州至嘉興海鹽。其聲更甚。過海南去。人云天愁。

二月三十日巳時。北京地震。自西北至東南。有聲如明季北畧

卷之二

五

雷未申時又震二次。六月初五日。保定各州縣地震。有聲如雷。城牆傾倒。打死人口無數。

三月初四日。延綏榆林衛生一猪一頭。二身二尾。八足。因查晉元帝建武二年。一豕八足。有劉隗之變。

六年六月初五日。四鼓廣昌縣地震。搖倒城牆。開三大縫。有大小妖魔。日夜爲祟。民心驚怖。縣令請僧道百人。設醮于關帝城隍津廟。旬日漸息。

易州道揭

六月初五日。時大同府地震如雷。從西北起。至東南去。渾源州等處亦然。城牆俱倒。壓死甚衆。

朝天宮向自鎖閉。不爇香火。六月二十一日丑時忽聞有聲。烈燄冲天。紅光映地。遙望紫衣神排空而起。大殿及金剛殿周匝火起。凡燒一百一十一間。

六月二十八日至閏六月初三日。北京大雨。傾盆。城

中水長六尺。屋屋倒塌。壓死人口甚多。又良鄉縣

晝夜陰雨。數日不止。至初一日半夜。水由西城門灌

入。倉穀漂流。田禾衝入江內。尸橫遍野。又武清東

安大興諸縣。俱大雨。數日禾盡淹沒。順天府尹疏

八月朔。江南有拔木之風。古今少見。

明季北畧 卷之二 五

十一月十八日午時。南京陵寢地震。二十五日甯

夏地震。六月九月俱震。半年三震。

七年丁卯正月十八日卯時。京師地震。有聲起自西

南。以至東北。房屋傾倒。傷人無數。

四月皇陵失火。延燒四十餘里。陵上樹木焚盡無遺。

丙寅五月初六紀異 北京天變耶抄

天啓丙寅五月初六日巳時。天色皎潔。忽有聲如吼。

從東北方漸至京城西南角。灰氣湧起。屋宇動蕩。須臾大震。一聲天崩地塌。昏黑如夜。萬室平沉。東自順

城門大街北至刑部街長三四里週圍十三里盡爲  
壘粉屋數萬間人二萬餘王恭廠一帶糜爛尤甚僵  
屍層疊穢氣熏天瓦礫盈空而下無從辨別衙道門  
戶震聲南自河西務東自通州北自密雲昌平告變  
相同城中屋宇無不震烈舉國狂奔象房傾圮象俱  
逸出遙望雲氣有如亂絲者有如五色者有如靈芝  
黑色者衝天而起經時方散

欽天監周司歷奏曰五月初六巳時地鳴聲如霹靂  
從東北艮位上來行至西南方有雲氣障天良久散  
明季北畧 卷之二 五  
古日地鳴者天下起兵相攻婦寺大亂又日地中洶  
洶有聲是謂凶象其地有破地中有聲混混其邑必  
亡魏忠賢謂妖言惑眾杖一百乃死

後宰門火神廟棟宇巍煥初六日早守門內侍忽聞  
音樂之聲一番粗樂過又一番細樂如此三疊衆內  
侍驚怪巡緝其聲出自廟中方推殿門入忽見有物  
如紅毯從殿中滾出騰空而止俄東城震聲發矣

哈達門火神廟廟祝見火神颯颯行動勢將下殿忙  
拈香跪告曰火神老爺外邊天旱切不可走動火神

舉足欲出廟祝哀哭抱柱。方在推阻間。而震聲旋舉矣。

皇上此時方在乾清宮進膳。殿震急。奔交泰殿。內侍俱不及隨。止一近侍掖之而行。建極殿檻鴛瓦飛墮。此近侍腦裂。而乾清宮御座御案俱翻倒異矣哉。

紹興周吏目弟到京。纔兩日。從蔡市口遇六人拜揖。尙未完。頭忽飛去。其六人無恙。

一部官家眷。因天黑地動。椅桌傾翻。妻妾仆地。亂相擊觸。逾時天漸明。俱蓬跣泥面。若病若鬼。

明季北畧

卷之二

美

大殿做工之人。因是震而墜下者約二千人。俱成肉袋。

郎中潘雲翼。毋居後房。雷火時抱一銅佛跪于中庭。其房片瓦不動。得生。前房十妾俱壓重土之下。願天臚筆云。抱佛者雲翼之妻。非毋也。

北城察院。此日進衙門。馬上仰面見一神人。赤冠赤髮。持劍坐一麒麟。近在頭上。大驚。墮馬傷額。方在喧嚷間。東城忽震。

初六日五鼓時。東城有一赤腳僧。沿街大呼曰。快走。

快走  
所傷男婦俱赤體寸絲不掛不知何故有一長班于  
響之時。棕帽衣褲鞋襪一霎俱無。

都城隍廟中初五夜道士聞殿中喧嚷叫呼絕似唱  
名之聲。

初六日王恭廠一小太監早至廠見團團軍馬圍住  
聽得內適內來一筇縛一箇監奔歸響聲震起。

五月朔山東濟南知府在城隍廟行香及門官吏與  
從俱各昏迷有一皂隸之妻來看其夫見其前夫死

明季北畧

卷之二

五

已多年乃在廟晉門前夫日廟裏進去不得天下城  
隍在此造冊。

四月廿七日午後有雲氣似旗又似關刀見在東北  
角上其長亘天光彩初白色後變紅紫經時而滅。

五月初三日又見于東北方形如繚其色紅赤初四  
日又見類如意其色黑占者曰此太白蚩尤旗之變  
幻總一物也。

長安街空中飛墮人頭或眉毛和鼻或連一額紛紛  
而下大木飛至密雲石駙馬街有大石獅子重五千

斤數百人移之不動。從空飛出順城門外。

震崩後有報紅紬絲衣等俱飄至西山。大半掛于樹。稍昌平州教場中衣服成堆。首飾銀錢器皿無所不有。戶部張鳳達使長班往驗。果然。

予聞宰相顧秉謙妾單褲走出街心。顧歸見之。赤身跣足扶歸。餘人俱陷地中。不知踪跡甚衆。又聞馮銓妻坐轎中被風吹去。落下。止剩赤身而已。又石忽飛入雲霄。磨轉不下。非常怪異。筆難盡述。嗚呼。熹廟登極以來。天災地變。物怪人妖。無不叠見。未有若斯之甚者。思廟十七載之大飢大寇。以迄于亡。已于是乎兆之矣。而舉朝若在醉夢中。真可三歎。

明季北畧

卷之二

本

傳國璽出

天啓四年甲子九月初四日辰時。彰德府臨漳縣鄉民邢一泰。經本縣務本庄東磁州八里。漳河西畔。耕地忽風火起。旋轉半晌。隨見河崖灘塌。聲震如雷。祥光圍繞。直騰而上。一泰就而視之。閃出黃白色物一塊。大如斗。視有篆文。不能辨識。隨報本邑生員王思桓。王燦同視。粹爲至寶。不敢隱匿。呈知縣何可及當

堂淨拭。見其晶潔異常。光燦陸離。龍紐斗形。方各四寸厚三寸。重一百一十餘兩。其篆文曰。受命于天。既壽永昌。覽讀駭異。卽設香案叩拜。兩院具疏。恭進朝延。

大清朝改元

大清朝改元天聰元年。卽天啓七年也。凡在位十年。至崇禎九年丙子止。

明季七畧

卷之二

全

終

10478

